

Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4564/A








Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4564/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4564/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4564/A



DD 4564/A

N VI

17/n



♂ 1 lb 1/4

38957

Salmen in female

1 lb 4 } 1/2 lb 2 left in 7 parts  
1.8 lb

Gift of Hon. Lord of the Treasury


2 Thil. distill. &

1 Thil. D. Trisamus gottmoltz &  
algebraic

Don Sulph: auratum cum Spiritu  
& extracto A cum V Tris  
and Covert & est Medicine which

Burgersdijk  
1-10-1742  
6 ft.









38957





















PH

F

SE

I. 7

II. 8

III. 9

IV. 10

V. 11

VI. 12

VII.

HE

U

30

d-8



38957

THEORIA  
PHILOSOPHIÆ  
HERMETICÆ,

SEPTEM TRACTATIBVS,  
Quorum primus est;

- I. VERVS HERMES.
- II. PORTA HERMETICÆ SAPIENTIÆ.
- III. SILENTIVM HERMETICVM.
- IV. AXIOMATA HERMETICA.
- V. DE GENERATIONE RERVM NATVRALIVM.
- VI. DE REGENERATIONE RERVM NATV-  
RALIVM, &
- VII. DE RENOVATIONE.

Explicata ab  
HENRICO NOLLIO MEDICINÆ  
IN ILLVSTRI ILLVSTRIVM COMI-  
tum Benthemicorum Gymnasio, quod est  
Steinfurri, Professore ordinario.

*Ambros. de Off.*

Non est gloriosa victoria, nisi vbi fuerint laboriosa certamina.



HANOVIAE,  
Apud PETRVM ANTONIVM,


Anno M. DC. XVII.

8-6





AD O  
SINC



idque co  
adductu  
posito re  
in sed n  
effere  
aque c  
uare po  
ferbat  
uere  
dus  
m. p  
gu m  
aque  
dum





AD OMNES VEROS ET  
SINCEROS MEDICOS ET

PHILOSOPHOS

EPISTOLA.

**N**OVO & inusitato Exemplo,  
Illustres Medici, Nobilesque  
Philosophi, vos iam alloquor,  
idque consulto conscientie meae stimulo  
adductus facio. Multoties à meo hoc pro-  
posito retractus fui: sed cum me non mi-  
hi, sed meis in Adamo fratribus natum  
esse intelligam, non possum non erumpere,  
atque cogitatorum meorum monumentum  
edere publicum. Deus faxit, ut nihil à me  
scribatur, nec doceatur, nisi quod in ho-  
norem Dei, & in utilitatem proximi ce-  
dat, Amen.

Scitis Medici & Philosophi doctissi-  
mi, philosophiam & medicinam in vul-  
gus notam multis modis esse imperfectam,  
atque id, quod in utraque facultate pro-  
ditur, sophismatis & tricis sophistarum

A 3

ubique



vbique conspurcari, naturæque cognitionem principis humano ingenio fictis, nihilque naturæ sapientibus obscurari, adeo ut hodie sapientia & doctrina apex ex vulgi opinione in meris contentionibus & ingenii ostentatione consistat, pluresque inueniantur, qui nihil nisi vere doctorum scripta allatrare, suumque cerebrum inanibus & futilibus cogitationibus opplere sciant, & pro more habeant.

Scitis quoque, sapientissimi medici, medicinam, sopheriamque de die in diem in contemptum abire, ita ut multis consultum videatur medicorum ope plane non vti, atque vbique vilia argenti aucupia sapientis medicinae studio præferantur, cū tamen nullum studium humano generi sit conuenientius & fructuosius, quam vnicum illud medicæ sapientia. Tandem & non ignoratis, variorum librorum de sapientia & medicina editorum euulgatione nihil hætenus fere effectum esse, neutramque facultatem præ cæteris sophist-

cis ar.



*cis artibus emergere potuisse. Quæ cum ita sint, aliquoties cæpi cogitare, nū vera sapientia antiquis philosophis nota, veraque medicina priscis patribus probe perspecta pristino suo nitori & splendori restitui possit, ita ut quamuis nulli de dictis facultatibus libri in lucem emittantur, tamen cuique, quem Deus salutaribus medicine & sapientie studiis destinare & præficere velit, utriusque facultatis vis innotescat, tota Europa absque ullo impedimento sapientie vnius nobili fructu fruatur, atque non sit, qui non exinde singularia beneficia reportare queat.*

*Quæ cum animo meo sæpius pensitarim, tandem in hanc deueni sententiam, philosophiam & medicinam vulgarem facile posse emendari, atque ad summam redire dignitatem, & modo sequentes obseruentur propositiones, & omne sapientie studium ad illas instituatur.*



## I.

*Non è quoli-  
bet ligno fit  
mercurius.*

Ad veræ sapientiæ, veræque me-  
dicinæ studium nemo admittitor,  
nisi sit vere pius & ingeniosus.

## II.

Emendationis opus non est v-  
nius hominis.

## III.

Ergo solide docti viri, qui Deum  
sincere colant, inter se habento cõ-  
mercium, atque sine vlla inuidia si-  
bi mutuo, quicquid è natura erue-  
rint, communicanto.

## IV.

Quotannis ad certum locum  
conueniunto, axiomata inuenta  
conferunto, atque id, quod de no-  
uo intra anni spacium in re medica  
& philosophica explorauerunt, in  
medium proferunto, vt ad naturæ  
axiomata discutiatur.

## V.

Nihil cogitanto, nihil faciunto,  
nisi



nisi quod in Dei honorem, & proximi salutem cedat.

## V I.

Taciturnitatem & Deo & sibi vouento perpetuam.

## V I I.

Naturam eiusque veritatem pluris aestimanto, quam omnes libros Galeni, Aristotelis, &c.

## V I I I.

Mundi delicias fugiunto, vt superbiam, auaritiam, ambitionem, ebrietatem, & voracitatem.

## I X.

Nullus osor Hermeticæ sapientiæ dignus habetor commercio & ordine verorum medicorum & philosophorum.

## X.

Non nisi diu probatus admittitor.

## X I.

Omnis parasitus excluditor.

## A 4

## X I I.



Qui de nouo ad ordinem medicorum & philosophorum accedunt, traditione tantum, non scriptura myſteriorum naturæ reddūtor particeps: ac proinde eo Sacramento adiguntor, ne quid arcani calamo excipiant, nec aliis, quamuis dignis, in calamum dictent.

*Hæ sunt meæ propositiones: Si qui è vobis illustres Medici & Philosophi, fuerint: quibus illæ probentur, mihi vel præſentes, vel absentes per literas id significabunt, atque num idem, quod ego, iam dudū meditati fuerint, explicabunt. Ego sane ita affectus sum, vt aliis, qui perfectiorem rerum scientiam possident, cedere, iisque palmam deferre paratus sim.*

*Quod vero Philosophiam hanc meam Hermeticam in lucē iam emittam, non alia fit de causa, nisi vt inde Veri Hermetici, vbicunq; locorum fuerint, meum saltem conatum, infinitosque labores, quos*

*in.*



*in lectione & meditatione scriptorum philosophicorum exantlavi, videant, & quantum adhuc à summo naturæ miraculo absum, iudicent. Perspicue scripsi, sed intelligenti, indignus, sat scio, nihil ex meis Hermeticæ sapientiæ tractatibus percipiet. Nimum subtilis in naturæ lumine qui haberi vult, cæcus est. Simplex sagacitas tantum requiritur. Et hoc unicum notabitis, tandiu id, quod est in hisce meis libellis præcipuum, latere, vsq; dum ex experientia constiterit, duo corpora ad vnam animam atque vnum organum stare nequire. Multa potuissem clarius scribere: sed non debui. Sat erit, si exinde vel cum vno vero Philosopho colloquendi occasio dabitur. Quicquid profertur, ex naturæ lumine & ipso ore philosophorum, per libros loquentium profertur, praxis & manuum opera si quando aliud suasura & me doctura est, illud quoque, clarissimi medici, à me habebitis, & si quid huic meæ sphiæ defuerit, alio tem-*



pore ex ore meo, Deo volente, abunde percipietis. Valete, & modestum date responsum. Scribebam Zigenhainiæ in ædibus parentis 7. Ianuarii Anno 1616.

Vestri studiosissimus

Henricus Nollius.

## VERÆ MEDICINÆ TY-

RONIBVS S. P. P.

**Q**Vanta solitudine in medicina cursu absolviendo sim circumfusus, dubio proculex mea antecedente Epistola, Lectissimi veræ & bene fundata Medicina Studiosi, percepistis. Et vobis, & mihi bene velim. Vobis: ut aliquid certi teneatis, quo tanquā immoto fundamēto tandem praxin ἐν θεῷ aggressuri nitamini. Mihi: ut id, quod cæpi iter, sine maleuolorum & superborum quorundam impedimento perficere queam. Mens mea mihi prasagit, non defuturos Momos & Sophistas, qui ubi & meam hanc philosophiam, & alia mea opuscula in discentiū utilitatem euulgata, & adhuc euulganda viderint, & tantum quasi per transennam inspexerint, me pro suo more dentibus caninis sint peti- turi, nihil non reprehensuri, meam famam calumniis & inanibus fabulis dilaceraturi, ut v-  
bique



bique mearum Musarum promotionem, si qua  
via id modo poterunt, impedian. Recent  
enim adhuc memoria teneo, quid nugarum &  
iniuriarum olim in me nonnulli effuderint!

Quid quoque hoc ipso tempore nasutuli qui-  
dam in me machinati fuerint! Ut ut haec sint,  
me & omnia mea Deo, (cuius omnia sunt, quae  
ab ipso sunt) cōmendans, non possum intermit-  
tere, quin in proposito meo strenue pergā, atq;  
Remp. literariam pro virili amplificem; Rum-  
pantur ut ilia Codro. Ad hoc meum institutum  
peragendū Deus, qui nouit hominū corda, mihi  
obtulit amplissimum campum, dum me nihil  
eiusmodi cogitantem per Illustres & Generosos  
Comites Benthermicos, Dominos meos clemen-  
tissimos ad professionem verae medicinae in illu-  
stre Arnoldinum, quod est Steinfurti, voca-  
uit, atque medicinae Tyronibus informandis  
praefecit.

Cui meo officio, ut satisfaciam, integrum  
Medicinae verae systema ξὺν Θεῷ sum praelectu-  
rus, illud praeceptis & canonibus adornaturus,  
scholiis breuissimis illustraturus, atque omne  
moturus saxum, ut fundamentum solidae me-  
dicinae apud studiosos iaciatur. Præterea singu-  
lis mensibus publicam disputationem de re me-  
dica sum habiturus; priuatim vero Alchymiam  
Philosophicam dictaturus, praxin eius pro viri-  
li ad



li ad oculum dignis discipulis, officina confecta,  
demonstraturus, atque sub initium Collegium  
naturae liberum. Deinceps scholam naturae peri-  
patecticam. Tertio hisce ἔνθ' Θεῶν absolutis exer-  
citiis, Academiam naturae Paracelsicam, & tan-  
dem sub finem Collegium Collatorium apertu-  
rus, omniaque ad medicinae scopum directurus.  
Si qui ergo mea institutione delectantur, eos hu-  
maniter inuito, rogoque, ut ne humilitate per-  
sonae meae citius offendantur, quam ex mea in-  
formatione aliquid progressus fecerint. Qui  
diligentes, fideles, atque ut decet, probati fue-  
rint, sibi dubio procul aditum ad secretiora  
sophiae penetralia parabunt. Valete Do-  
ctissimi studiosi, & me bene de vo-  
bis mereri cupientem  
amate.

Henricus Nollus.

PHILO.



PHILOSOPHIÆ  
HERMETICÆ

*Tractatus primus, qui est*  
VERVS HERMES.

*Autore*  
HENRICO NOLLIO.

P R Æ F A T I O.

Nemo non hoc seculo, qui vel simplicem aquam, vel oleum è corpore extrahere nouit, non tantum haberi, sed etiam audire, Hermeticus desiderat. Et Medici hodierni, qui Chymix beneficio remedium aliquod concinnare didicerunt, ab Hermete nomen mutuuntur; idque eo fine, vt veris philosophis verisque medicis à vulgo annumerentur. Manifestum enim est, & vel vulgo notum, quod Hermes philosophorū pater appelletur, veramque sophiam, Deo inspirante, obtinuerit, atque ex ea summam totius mundi gloriam, vniuersam omnium rerum imperfectionem quandā habentiū medicinam sibi comparauerit. Quis ergo non ex animo optet esse Hermetis verus & genui-



genuinus filius, atque eiusdem sapientiæ particeps, verum enim vero quemadmodum Consulis nomine non dignatur, qui nunquam consulatu functus est: ita quoque nunquam nomē sapientis Hermetis sibi sumat, qui sapientiæ Hermeticæ nemicā possidet. Id quod ex animo pensitās hodiernorū sophistarū arrogantiam, qua similes viris antiquis, veræ sapientiæ cultoribus videri quā esse malunt, agnosco: Vnde in sincerioris philosophiæ gratiam, atque in sophisticæ ambitionis refutationem hunc compendiosum tractatum conscribere, atq; verum Hermetem inscribere volui, ut candidus lector veros Hermeticos à pseudo-Hermeticis & sophistis discernere sciat. Tempus enim est præsens, quo philosophia in vulgus nota atque cum sophistica summum commercium habens repudietur, veraque sapientia, quæ ab antiquis Sophis exculta, & ad nos propagata est, è tenebris ad lucem reducatur, atque sophisticæ altercationes ad autorem suum, Cimmericasque tenebras redeant, ne in posterum sumptus & horæ in sophisticis scriptis inutiliter insumantur. Ut vero hic tractatus certa & perspicua tractetur methodo, docebo;

*I. Quis*



- I. Quis HERMES philosophorum pater fuerit?  
II. Quam doctrinam HERMES docuerit?  
III. Quomodo propagata? IV. Qua occasione à  
sophistis defædata fuerit? Et. V. Qua ratione è  
tenebris vera HERMETIS sophia sit eruenda?*

Deus ita gubernet & mentem & cala-  
mum meum, vt quicquid hic iam sim in  
medium prolaturus, veræ philosophiæ  
filiis in summam cedat vtilitatem; sophi-  
sticæ vero amatoribus, atque indignis ho-  
muncionibus via & aditus ad penetralia  
solidæ nostræ scientiæ præcludatur,  
ne Margaritæ porcis obiecten-  
tur, & indigne conculcen-  
tur. Amen.

CAPVT



## CAPVT I.

*Quis HERMES?*

**A**B Hermete cum per plures Chymistæ nomē mutuentur, atque ingenue se Hermeticos appellitent, ante omnia necessarium est, vt quis ille *Hermes fuerit*, à quo hoc tempore denominari ex animo cupiunt, edoceamus, atque probe discutiamus: Autore enim bene cognito, facilius inde ii, qui siue secundum rei veritatem siue falso nomen illud sibi tribuant, innotescunt. **HERMES** ergo, de quo iam dicimus, fuit Rex Ægypti, dictus Trismegistus, seu Ter Maximus, quod omnium rerum hoc Macrocosmo contentarum, atque in tria regna, nimirum in minerale, vegetabile & animale distributarum perfectam & exquisitam scientiam habuerit, atque vniuersi huius theatri quintam essentiam omnium virium tam superiorum, quam inferiorum receptaculum non tantum elaborauerit, sed etiam ad posteros ænigmatico & obscuro stylo transtulerit. Tanti thesauri descriptionem in Tabula Smaragdina in valle Ebron post Diluuium inuenisse, atque Dei instinctu & inspiratione eius tabulæ genuinum sensum percepisse ille dicitur.

## CAPVT II.

*Quam Doctrinam HERMES docuerit?*

**D**Ocuit ergo Hermes nullam aliam doctrinam, quam illam, quæ in tabula Smaragdina comprehensa est, atque vniuersi mundi compendium nobis ob oculos ponit.

TABV-



DE VERO HERMETE. 17  
TABVLA SMARAGDINA

HÆC EST.

**V**erum: Sine Mendacio: Certum, & veris-  
simum. Quod est inferius, est sicut quod est  
superius: & quod est superius, est sicut quod est  
inferius, ad perpetranda miracula rei vnius. Et  
sicut omnes res fuerunt ab uno; meditatione  
vnius: sic omnes res natæ fuerunt ab hac vna re  
adaptatione. Pater eius est sol, mater eius est  
luna. Portauit illud ventus in ventre suo. Nu-  
trix eius terra est. Pater omnis thelesmi totius  
mundi est hic. Vis eius integra est, si versa fuerit  
in terram. Separabis terram ab igni; subtile à  
spisso, suauiter, cum magno ingenio. Ascendit à  
terra in cælum, iterumque descendit in terram:  
& recipit vim superiorum & inferiorum. Sic  
habes gloriam totius mundi. Ideo fugiet à te  
omnis obscuritas. Hic est totius fortitudinis for-  
titudo fortis, quia vincet omnē rem subtilē, om-  
nemque solidam penetrabit. Sicut mundus crea-  
tus est. Hinc erunt adaptationes mirabiles, qua-  
rum modus est hic, itaque vocatus sum Hermes  
Trismegistus, habens tres partes philosophiæ to-  
tius mundi. Completum est, quod dixi de opera-  
tione solis.

Hæc tabula omnem sapientiam, quæ in lumi-  
ne naturæ sese offert conspiciendam, compen-  
diose describit, atque insignes eius vires com-  
mendat, dum id, quod in ista tabula docetur,

B omnes



omnes virtutes, quas & superiora & inferiora corpora obtinent, possidere dicitur. Magna sane Philosophia, quæ tam eximium & preciosum thesaurum nobis pandit! Et nemo hominum vni nostro Deo sufficientes grates agere potis est, quod Hermetem philosophorum omnium principem excitarit, permiseritque, ab eodem sinceriorem philosophiam ad posteros propagari. Nostrum est singulis horis Deum orare, ut in verè Hermeticæ sopsiæ penetralia introducatur, & genuini Hermetis filii reddamur.

Vt vero Beneuolus Lector & veritatis sopsiæ studiosus dilucidius sapientiam recensita tabula comprehensam percipiat, 1. Specialius thesaurum & mysterium sincerioris philosophiæ tractabo. 2. Materiam eius more philosophico explicabo: & 3. Modum arcani istius ex materia philosophica conficiendi demonstrabo, ut vel hinc constet, eum non esse verum Hermeticum, qui ad istum modum veram materiam non tractet. Vt igitur exordiar à primo capite, Thesaurus & mysterium sincerioris philosophiæ à veris sapientibus arcanum arcanorum & medicinâ medicinarum appellatur. Arcanum arcanorum vocatur, quod, cum macrocosmi totius vires in se tanquam in compendio complectatur, nullumque aliud arcanum ei respondeat, præ ceteris omnibus mysteriis celari, arcanumque manere debeat, ne ad indignos deueniat, atque in summum abusum, nimirum in damnum & perniciem proximi, contemptumque Dei trahatur. Medicina medicinarum dicitur, quod omnium aliarum medicinarum virtutes & efficaciam in se quasi contractam

possi-

I.  
Thesaurus  
& mysterium  
philosophiæ.



possideat, omniumque imperfectionum, quibus tam mineralia & vegetabilia, quam animalia obnoxia sunt, curam & sublationem subministratio-  
ne eminentiæ & substitutione perfectioris essen-  
tiæ vere sine omni difficultate instituat. Est vero “  
hic Thesaurus nihil aliud, quam Spiritus cœlestis “  
à Sole & Luna, cæterisque astris ad nos demissus, “  
atque in catholico subiecto in summam medici- “  
nam excoctus, qua homo omnibus morbis exi-  
mitur, in sanitatis perpetuo statu usque ad termi-  
num vitæ diuinitus sibi præfixum conseruatur, in-  
genium eius acuitur, memoria adiuuatur, intel-  
lectus mirandum in modum illuminatur, metalla  
imperfecta in verum & non apparens aurum trans-  
mutatur, vegetabilia que omnia ita reficiuntur, ut  
vires, vigorque ipsorum in summo gradu facile  
deprehendi possint. Cætera taceo, ne maleuo-  
lis & calumniatoribus ansam vituperandi & con-  
uitiandi præbeam.

E Sole vero tanquam mare & patre & Lunâ II.  
tanquam fœmina & matre summa illa medicina *Materiala-*  
desumitur, atque non nisi in Mercuriali substan- *pidis.*  
tia reperitur. Secundum hunc versiculum.

*Est in MERCVRIO, quicquid quærant sapientes.*

Si per *Mercurium solum* perficere poteris ma-  
gisterium, ait subtilissimus Geber, eris preciosis-  
simi operis indagator. Itaque quia *Solus* Mercu-  
rius vera materia medicinæ est, materia illa erit v-  
na. Et quia una, multa simul ad ipsam medicinam  
non requiruntur. Vnde philosophi aiunt, artem  
suam in multitudine rerum non perfici.

Ex dicta autem materia medicinæ Hermetice III.  
conficiendæ modum Hermes noster in sua tabula *Modus ope-*  
hiscæ *randi in verâ*  
*materiam.*



hisce verbis exprimit: *Separabis terram ab igne, subtile à spisso, suauiter, cum magno ingenio.* Tria hic notabis 1. ignem Hermetis esse vnicum, quia operatio describitur vna. 2. Esse tenuem & lenem, quia separatio terræ ab igne debet fieri suauiter cum magno ingenio. 3. Ipsam operationem, quæ in separatione terræ ab igne, subtilis à spisso consistit: id quod fit continua irrigatione & aquæ affusione. Quo enim sæpius terræ aqua affunditur, eo magis ipsa terra attenuatur & subtiliatur, vsque dum infans sophorum exinde prodierit. Vnde vt ascendendo à terra in cœlum, & iterum descendendo in terram filius sapientiæ primum à natura generatur; ita idem filius simili ascensu & descensu in philosophico vase in solidam medicinam, reiectis vulgaribus chymicæ operationibus, regeneratur. Sic tandem concludo.

Veri Hermetici veram philosophici mysterii materiam paulo ante descriptam sciunt, non nisi vnā agnoscunt, atque modum in Hermetis tabula depictum & adumbratum in operando obseruant.

Atqui vulgares chymistæ nec sciunt veram materiam, nec vnā sed plures adhibent, nec modum operandi Hermeti obseruati sectantur. Ergo

Vulgares chymistæ non sunt veri Hermetici. Propositio negari non potest: æquum enim est, vt qui ab autore aliquo nomen sibi sumat, eiusdem autoris institutum ad amissim sequatur. Assumptio tandiu vera esto, donec vulgares chymistæ demonstrauerint, sibi & veram materiam, modumque in illam operandi verum, perspectum & exquisitè notum esse. Pro me assumptum confirmat



firmat Michael Sendiuogius, qui tractatu suo primo in hæc verba loquitur: *Si hodie reuisceretur ipse philosophorum pater HERMES, & subtilis ingenii Geber; cum profundissimo Raimundo Lullio, non pro philosophis, sed potius pro discipulis à nostris Chymistis haberentur: Nescirent tot hodie vsitatas distillationes, tot circulationes, tot calcinationes, & tot alia innumera- bilia opera Artistarum, quæ ex illorum scriptis huius seculi homines inuenerunt & excogitarunt. Vnicum tamen nobis deest, scire, quod ipsi fecerunt, lapidem videlicet philosophorum, seu tincturam physicam. Nos dum illam quærimus, alia inuenimus. Quæ cum ita sint, ratum & firmum esto. Quicumque scit Hermetis magisterium, eiusque præparandi modum, Verus est Hermeticus: Qui nescit, & se tamen Hermeticum salutare cupit quamuis omnia alia olea, salia & aquas distillare norit, ille est mendax, & sophista.*

## CAPVT III.

*Quomodo Hermetis Doctrina propa-  
ta fuerit?*

**D**OCTRINA HERMETIS cum tantum arcanum, quo in vniuerso hoc modo ex naturæ profundissimo penu non habetur maius & præstantius, proponat, atque eius cognitione indignum vulgus, quod plus mundi gloriam, quam suam ipsius salutem, & æternam felicitatem affectat ad abusum facile prolabatur. *Veri philosophi vnanimi consensu, id mysterium sibi solis conceditum seruare, atque omnes indignos omni studio ab eo procul arcere voluerunt.* Audi subtri-

B 3 lissimum



lissimum Raimundum Lullium, qui theor. rest. c.  
 6. sic ait: *Secretum teneas, quia totum sit arte & scien-*  
*tia, & nulli dices, nisi velis maiestatem philosophorum &*  
*secreta eorum accusare, &c.*

Quæ cum ita sint, sinceriores philosophi sty-  
 lum suū in hunc modū formarūt, vt à solis doctri-  
 næ filiis ipsorum dicta apprehēdantur & intelligā-  
 tur, sophistis verò & indignis veræ sapientiæ nu-  
 cleus maneat absconditus. Vnde iam ænigmatico &  
 parabolico, iam plane alieno stylo sapientes artem  
 Hermetis conscripserunt & exposuerunt, vt ni-  
 hil, nisi inania figmenta philosophastris, ingen-  
 tia vero mysteria veris Hermetis discipulis sciuis-  
 se videantur. Lapidem seu medicinam suam om-  
 nibus nominibus nominauerunt, quia omnium  
 rerum virtutes in se continet. Ad literam ergo  
 philosophici tractatus nec volunt nec debent in-  
 telligi.

## CAPVT IV.

*Quomodo & qua occasione Hermetica philoso-*  
*phia defœdata fuerit.*

**M**Vndus cum diuitiis adeo indulgeat, vt no-  
 ctesque diesque in corradendis pecuniis  
 insumat, atque per otium & negotium nihil nisi  
 argentum meditetur, variæ technæ à plurimis ha-  
 ctenus inuentæ fuere, quibus alios circumue-  
 niant, diuitias vndecunq; colligant, aliorumque  
 loculos emungant. Versutia hic opus est. Vnde  
 inueniuntur, qui diuitibus, (cum hi, quo di-  
 tiores fuerint, eo ardentius ad auri sui maio-  
 rem accessionem adspirent) magnam auri co-  
 piam & sapientissimi opulentissimi Salomo-  
 nis



nis immensos auri thesauros pollicentur, atque se indubitatos auri conficiendi processus tenere temere gloriantur. Auari isti homines, qui Midæ similiores quam Hermeti philosophorum patri haberi volunt, mox fidem adhibent, sumptus subministrant, ingentibus muneribus impostores afficiunt, atque auro inhiantes de die in diem Pluti accessum expectant. Sed omnis spes in nihilum tandem abit: Impostores cum dedecore vel aufugiunt, vel se quodammodo excusant. Sunt & præterea alii, qui ex scriptis sophorum literaliter intellectis sine naturæ veræ vera cognitione ad magisterii Hermetici veritatem prouchi intendunt. Verum cum ad literam ubique philosophorum scripta intelligant, ad sua sophistica fragmenta, quæ vel ipsi sibi imaginati fuere, vel ab aliis accipere, sensum eorum detorqueant, nec naturæ viam notam habeant, nunquam ipsorum conatus ad frugem peruenit, sed in perpetuum quærentes nihil inueniunt, quod vel micā sapientiæ Hermeticæ habeat. Si in opere suo colorem aliquem similem colori alicui, à sophis depicto deprehenderint, lætantur, exultant & triumphāt, non cogitantes, quod cuique corpori omnis generis colores insint, atque ignis varii varia dispositione è tenebris prolici queant. Inter istas vero læticias processus fingunt, eos dictis sophorum palliant, atque caro precio vendunt, ut sibi ad delicias mundi argentum concilient. Sophistæ hi sunt, qui Hermeticæ arti ex eiusmodi sophisticationibus & deceptionibus maculam affricant, contemptum afferunt, atque alios homines vel ipsius veritatis amantissimos in consortium



suum trahere, extremamque in perniciem intrudere pro more habent. Hisce nebulonibus piorum aures non pateant: sed serio cogitent, studium Hermeticum versari non primario circa auri elaborationem, sed circa medicinam, qua non tantum auri, sed etiam omnium aliorum tam superiorum quam inferiorum corporum vires in se possideat. Tantum de Hermeticae doctrinae conspurcatione aliunde inuenta dixisse sufficiat, & verum maneat, auri aucupio, sophistarum fraude, literalis dictorum philosophicorum sensu, pro cessibus scriptis, atque naturae neglecta consideratione veram HERMETIS artem defecdatam esse, atque in odium & contemptum deuenisse.

## CAPVT V.

*Qua ratione è tenebris vera Hermetis Sophia sit eruenda?*

**M**agna sane sapientia est, quam HERMES Dei inspiratione sibi acquisiuit, & quanto maior & praestantior est, tanto maiorem diligentiam ei comparandae quisque hominum adhibere cupiat: Aequum enim est, ut, quod omnium hominum vtilitati inferuire potest, omni studio quaeratur & vestigetur, verum cum philosophi artem Hermetis studio ex Dei indultu obscure tractarint, eam solis doctrinae filiae scripserint, atque Sophistae suis fraudulentis processibus magis magisque obfuscarint, in rationem, qua è tenebris ars illa diuina eruatur, quisque veritatis amans inquirere studeat. Ego hac vice iis, qui ex intimis cordis visceribus, & non ex ficto animo ad sinceriorē philosophiam adspirant, viam certissimam, qua è tenebris



bris in lucem ars HERMETIS statuatur, ex philosophorum vnanimi consensu & ipso naturæ lumine explicabo. Moneo itaque primum, vt porta mea Hermetica sapietia diligentissime legatur, & ad ei⁹ monita artis philosophice studiosus omnes suas cogitationes & operationes dirigat. Non vero arbitrator, sibi viam ad arcanum arcanorū ex porta mea patere posse, nisi virtutibus iam recensendis sit præditus. Qui ergo philosophici mysterii, ab HERMETE philosophorum patre per tabulā Smaragdina ad nos tanquam ad genuinos hæredes propagati scientiam ex animo consequi desiderat, ille

*I. DEVM timeto & se humiliato.*

Initium sapientia est timor Domini: ait Syracides. Eum, inquit Hermes lib. de compositione, qui in hanc artem & scientiam introduci vult, oportet arrogantia vitium à se repellere, & piū esse & probum, ac profundæ rationis, hominibus humanum, & sereni vultus ac hilarem, Deumque ante omnia timere.

*II. Esto sufficienter locuples.*

Id est, Tantas habeto diuitias, quantæ sumptibus in magisterio collocandis, & sustentatione vitæ suæ, dum operatur, sufficiunt: Cum enim sumptus nostro operi impenduntur, impossibile est ex Aristotelis sententia, indigentē philosophari.

*III. Beneficus & largus.*

Itaque nec auarus, nec vsurarius, nec monetæ renouator, nec mercator esto. Atque hinc Lull. c. 29. theor. test. ait: illud secretum non manifestari, nisi philosophis, & philosophiæ veræ filiis, qui sunt indagatores & amatores eius, & non sophi-

B s stis,



stis, plenismendaciis, nec auaris, nec amatoribus mundanis; sicuti sunt vsurarii, mercatores & renouatores monetae, cambiatores & congregatores thesaurorum, condemnatis, & per Diabolum incantatis, qui nolunt laborare, nec inquirere nisi in res palpabiles.

*IV. Mitis seu humanus,*

Teste Hermete citato loco.

*V. Sobrius, non gula deditus.*

Atque hinc facile intelligis, quam procul à nostra arte absint, qui dum alijs aurum cudere moluntur, noctesque diesque potationibus continuis indulgent, & ebrietatem studio sectantur.

*VI. Firmus in proposita & constans.*

Rosar. phil. p. 206.

Vnius esto voluntatis in opere naturae, nec modo hoc, modo illud attentare praesumas; quia in rerum multitudine ars nostra non perficitur.

Lull. lib. de animae transmutatione.

Non fatigeris, nec ab opere cesses, & inuenies, quod optas.

Michael Sendiuogius tract. 2.

Scrutatorem naturae oportet esse veracem, simplicem, patientem, *Constantem*, *unica saltem rei* animum applicantem.

*VII. Patiens.*

Id est: Moram, quae in nostro magisterio est maxuma, non aegre ferto.

Thomas Aquinas c. 2.

Qui patientiam non habet, ab operatione manum suspendat.

Moscus



## Moseus in Turba.

Nisi patientiam habeatis, errabitis in regimine, & corpus corrumpetis.

## Zenon in Turba.

Qui prolixitatem decoctionis & compositionis patienter fert, lucrum accipit.

## Bacaser in Turba.

Qui patiens est in regimine, ingreditur artem.

## Lull. c.19. theor. test.

Intellige, quod omnis mora, nec non tarditas in hac arte electæ sunt operando patienter, nec sine patientia iter arripas: cum tibi contigerit studio cognoscere multa, patientiam retine, semper operando directe, & sic philosophiam habebis habituatam. Operi patientia datur: Patientia enim morum semper est maxuma in nostro magisterio.

## VIII. Taciturnus.

Ea enim, quæ ex sincera philosophia addiscit, & indubitata experientia vera esse deprehendit, in vulgus non spargito, ne porcis margaritas obicere videatur, & per absum arcanorum pereat. Confer. c.1. lib. Thomæ Aquinatis ad Rainaldum.

## CONSECTARIUM.

*Ac proinde non disputato, non altercator.*

Hoc nostro seculo, & ante in scholis publicis sapientiam veram altercando & disputando assequi nemo non in animum inducit suum. Et qui a studiosorum & literatorum vulgo commendari laudarique desiderat, animum totum vel ad refutationem aliorum scriptorum appellit, vel novas con-



controuerfias mouet. Verum vt in fapientia vulgari, quæ nihil arcani in fe complectitur, illud ftudium merito probatur, cum indignis philofophaftris quiete animi, quæ in folida naturæ cognitione confiftit, frui haud liceat; Sic fincerior philofophia econtra quiete animi delectatur, dum omnem dubitationem circa arcana naturæ excludit, atque de iis cum nullo hominum confert, ne mutua ex difceptatione forte fortuito fummum philofophiæ arcanum indigno alicui innotefcat. Id cuius reuelationem Deus fibi foli referuat, nemo manifeftrato.

*IX. Ingeniofus.*

Id eft: Non efto ingenio ftupido, fed fagaci, & fubtili. Videndū tamē, ne fit nimium fubtilis, qui præ nimia fua fubtilitate dictis fophorum & ipfi naturæ nouitatem quandam inuehat, fenfum afferat, non exinde efferat, atque naturam potius ad fuæ rationis cogitata, quam hæc ad illā metiatur. Siquidem inde naturæ fimplicitas peruertitur, & ad intima veræ fapientiæ penetralia accelfus impeditur. Natura vt fimplex eft: ita indagatorem fimplicem, non nimis fubtilem requirit.

*X. Pseudochymicos & fophiftas vitato.*

Qui, vt verbis Roſarii philofophorum vtar, decepti ingenii fui tarditate, & ad inopiam deducti alios etiam tentant feducere, & ad miferiam compellere. Hinc ita Teruifinus: Fugite fophifticationes Alchymiftarum nequam & quofcunq; alios, qui fidem iſtis adhibent: nam fi quid boni vos lectio librorum docuit, falſis iuramentis & aſſertionibus adimere conantur. At ais; te ex animo velle fugere



gugere sophistas, si nollēs. & cum non noueris, te non posse eos vitare. Vt igitur conqueri desinas, utque ex suis signis sophistas dignoscas, characteres eorum nouem propositionibus describam.

## I.

*Sophista vulgaribus operationibus, calcinationibus, solutionibus, congelationibus &c. insudant.*

Vnde huiusmodi operationes Teruifinus appellat deceptiones, vt vero intelligas, quantum sit discriminis inter nostras & vulgares operationes, attende ad ea, quæ iam sum dicturus. Vulgo calcinant, sed sine corporis multiplicatione, potius cum diminutione: philosophi calcinant cum corporis multiplicatione. Vide Quercetani resp. ad Aubertum pag. 66. Vulgo calcinant igni comburenti: philosophi aqua. Vulgo solunt, & solutione facta separant mentuum: philosophi solunt ita vt soluens & solutum in vna homogenea essentia permaneat: Teruif. in epistola ad Thomam de Bononia. Vulgo solutio & congelatio diuersis fiunt temporibus & horis: philosophi dum solunt, simul congelant. vide Lud. Puer. mihi p. 198. Præterea vulgus corpora liquefacit per ignem comburentem: philosophi per aquam: vnde dicitur: Liquefacite corpora liquefactione non vulgari, sed nostra, quæ est cum aqua. Vide Auror. consurg. c. 27. & Rosar. phil. I. mihi p. 333.

## II.

*In illo laborant, quod in se tincturam philosophis notam non habet.*

Stultis



Stultis sunt stultiores, ait Senior qui præparant illud, quod in se tincturam non habet.

## III.

*Variis in vasis suas materias coquunt.*

Operantum, inquit Dionysius Zacharias Gal-  
lus, hac tempestate pars maxuma errorem suum  
hoc ipso fateri cogitur, cum nemo non ipso-  
rum tres vel quatuor furnos habeat, & nonnulli de-  
cem vel duodecim, hunc ad calcinandum, illum  
ad soluendum, alium ad sublimandum & in nu-  
mera vasa, quibus vtuntur: verum enim vero ii in  
extremum operarētur, priusquam hac via ad per-  
fectionem peruenirent, nisi suas operationes  
corrigerent.

## IV.

*Ingentes sumptus ad magisterium requirunt.*

Id quod Reges, Principes, Comites & nobiles  
viri, qui eos alunt, vbertim testari possunt, sed  
multæ expensæ non sunt nostro magisterio con-  
ficiundo necessariae; quia vna materia, vnum vas,  
& vna sola coctio ad lapidis creationem requiri-  
tur. Vili precio, ait subtilissimus Geber, ad com-  
plementum peruenies.

## V.

*Processus habent scriptos, secundum quos  
operantur.*

At ars nostra nullo continuo processu ad li-  
teram intellecto continetur: philosophi veri ad-  
eo hanc nostram scientiam ænigmatibus, para-  
bolis & figuris occultauerunt, vt impossibile sit  
sola librorum lectione ad cognitionem huius ar-  
tis peruenire. Dionys. Zach. Gall.

## VI.



*Ultro sua officia magnatibus deferunt, atque  
is artem auri conficiendi pollicentur.*

Magnates vel ad superbiam, vel ad mundi de-  
icias vel ad tyrannidem diuitias expetunt, ac pro-  
inde iis, qui se auri conficiendi ratione tenere  
oriantur, faciles præbent aures, non cogitantes,  
quod auri studium à philosophis non primario,  
sed secundo spectetur. Aurum primo non in-  
tendit, qui omnium rerum, non solum metallo-  
rum sed etiam vegetabilium & animalium vitia,  
imperfectionesque vno catholico remedio ex  
omnium perfectissimo corpore extracto auferre,  
& in perfectiones transplantare sibi proponit. Si  
metallorum perfectionem solam non quærunt  
philosophi quo sine opus est, vt in metallico cor-  
pore omnium rerum supplementum & instaura-  
tionem quæramus. Tinctura auri cum certum & de-  
terminatum rerum sublunarium genus sit, catho-  
licum remedium esse nequit: ac proinde qui vni-  
uersalem affectant medicinam, tincturam auri  
per se non appetunt, secus qui faciunt, sophistæ  
sunt, & nunquam nostro magisterio dignabun-  
tur. Quia autem magnates sunt sitientissimi auri  
& pecuniæ, Sophistas auri tincturam primario in-  
tendentes ad se vocant, vel quando suam operam  
deferunt, sibi diuinciunt, vt breui magnam ar-  
genti copiam ipsorum auxilio corradant. Verum  
vt stultum est magnatum propositum: ita nun-  
quam aliquid aliud, quam summam argenti ia-  
cturam inde reportant. Suspectus est omnis, ait  
Thomas Aquinas, in hac arte seruiens regibus  
& prælatis.



## VII.

*Asseuerant se sapius fecisse, sed tum non habuisse necessaria, Teruis.*

## VIII.

*Se continuo maxuma cum diligentia per multos annos ad fornaces suas adsedisse & sine intermissione operatos fuisse prædicant.*

Hoc eo fine faciunt, vt aliquid arcani ex tanto labore didicisse videantur, & apud incautos facilius se insinuent.

## IX.

*Ex lumine naturæ rationem sui operis exponere nesciunt: sed sine rationibus suam scientiam veram esse garriunt, adduntque saepe, se arcanorum fuisse participes redditos à docto quodam viro, quem fingunt, vt alterius eruditione fraudes & sophismata sua pallient.*

Non enim sunt philosophi, nec guttulam de fonte naturæ gustauerunt, ac proinde satis mirari non possum, quod magni viri ab eiusmodi impostoribus sibi imponi patiantur, non reputantes, sine artibus præclaris & liberalibus nullam mysteriorum perfectam cognitionem vnquam esse acquirendam. Quicunque, ait Teruisinus, radices minerarū & simplices & cōpositas ignorat, principia naturæ ignorat; Ergo & artis: & per consequens erit sophista potius, quam philosophus.

## CONCLUSIO.

Quod si, Suauissime Lector, hunc meum tractatum, quem VERVM HERMETEM inscribo, dili-



DE VERO HERMETE.

35

genti lectione percurreris, non tantum ex eo  
abunde percipies, hodiernos chymistas non esse  
veros Hermeticos, imo potius sophistas, qui sa-  
nam nostram philosophiam suis falsis receptiun-  
culis obscurant, deprauent, atque, cum arcanum  
Hermetis assequi nequeant, quascunque chymi-  
cas operationes Hermeti adscribant, ne ab Her-  
metis studio alieni videantur: Sed etiam via, qua  
ad secretioris philosophiæ magisterium pro-  
moueri possis, tibi profunde rem pensitanti, & se-  
dulo inquirenti demonstrabitur. Interim vale  
diu in Deo & Filio eius IHS V H Christo, Zigen-  
hainæ 2. Octob. Anno 1615.

VERI HERMETIS FINIS.

DEO vñi, & Filio eius IHS V H Christo  
*sit laus & gloria in æternum,*  
A M E N.

6

PHI.





# PHILOSOPHIÆ

HERMETICÆ

*Tractatus secundus, qui est*

## PORTA HERMETICÆ

SAPIENTIÆ,

Cum quinque clauibus appropriatis.

*Autore*

HENRICO NOLLIO.

P R Æ F A T I O.

**H***Vnc tractatum, Beneuole Lector, portam Sapientie Hermeticae inscribo, quod nemo ad arcanum Hermetis peruenire potest, nisi clauibus à me hic propositis ad reſerationem portæ utatur. Est vero porta sapientie nostræ nihil aliud, quam naturæ inuolucrum, quo macrocosmi filius, filius Solis & Lunæ, lapis philosophorum alias dictus, in abstruso latet. Qui si in lucem sistitur, atque è naturæ tenebri-*  
*coſo*



coſo corpore eruitur, in nobiliſſimam omnium abit medicinam. Situ, Sincere Lector, myſterium illud omnium præſantiſſimum, & miraculum naturæ vere admirandum ex ſincerioris philoſophiæ arce reportare in animo habes, per genuinam portam ingredi, atque ad eius apertionem proxime enarrandas clauſes adhibe. Clauſes vero enumero quinque: Quarum prima eſt; Inuocatio Numinis diuini. 2. Meditatio. 3. Viua inſtitutio. 4. Lectio. & 5. Operatio. De ſingulis ordine tractabo.

CAPVT I.

DE INVOCATIONE NUMINIS Diuini.

I. **T**V, qui ad philoſophorum artem adſpiras, (a) Sine intermiſſione, (b) in fide, (c) nihil hæſitans (d) Deum (e) orato, ut eius auxilio ad arcanum arcanorum peruenias.

(a) Sine intermiſſione oportet orare & non defatigari: Lucæ. 18. v. 1. (b) Omnia quæcunque petieritis in precatione, credentes, accipietis: Matthei 21. v. 22. Marci 11. v. 24. (c) Si cui veſtrum de eſt Sapiencia, à Deo dante omnibus ſimpliciter nec



exprobrante postulet, ac dabitur ei, postulet vero cum fiducia, nihil hæsitans: Nam qui hæsitat, fluctui maris, qui ventis agitur & impetu rapitur, similis est: Neque existimet homo, se quicquam accepturum à Domino, Iac. i. v. 5. & 6. (d) Omne enim donum perfectum è supernis est, descendens à patre luminum: Iac. i. v. 17. (e) Quisquis enim petit, accipit, & quicumque quarit, inuenit, & pulsanti aperietur. Matth. 7. v. 8. Itaque cum hac pura & diuina scientia, teste Morieno & omnibus philosophis, sit donum altissimi, qui eam suis commendat, non decet, ait idem Morienus, quenquam se ab hoc magisterio retrahere, sed suam fidē & spem in altissimo firmiter configere illumque assidue orare, vt diuinum & mirabile opus efficiat.

Basil. Valent. mihi p. 2.

Ich sage dir in lauter Warheit / daß / so du vnsern grossen vralten Stein machen wilt / so folge meiner lehre / vnd bitte für allen dingen deinen Gott / den Schöpfer aller Creaturen / daß er dir darzu segen / vnd gedeyen geben wolle.

*II. Deo ex toto animo in precibus voueto, te per philosophorum arcanum Ecclesie, pauperibus, omnibusque piis, qui tuum poscant auxilium, adfuturum.*

Alio profecto fine ne quarito HERMETIS magisterium: si Secus feceris, non acquires Vnde & omnes ii, qui eam ob causam chymiam Hermeticam tractant, vt mundanas diuitias sibi comparent, splendide & magnifice nde viuant, at que tyrannidem suam, quam sub  
corde



corde rectam gerunt, magis magisque exercere  
valeant, nunquam adepturi sunt quamuis in mil-  
le annos vestigent.

Basil. Valent. mihi p. 3.

Gedencke / wenn du zu ehren gesetzt wirst / daß  
du dem armen vnd dürfftigen darbiest / ihn auß  
elend zu erretten / vnd mit deiner hülfflichen hand  
zuerstrecke / auf das du desto mehr seggen vom Her-  
ren empfangest / vnd einen Stuhl im Himmel  
durch bestetigung deines glaubens vberkommen  
mögest.

CAPVT. II.

DE MEDITATIONE.

I. **A**nequam ad opus te accingas, imagi-  
nare diligenter quid queras, & quis sit  
intentionis tue scopus & finis. Sendiuog.

Lull. c. 24. theor. test.

Anrequam aliquid facias, vide quid velis face-  
re, & sapienter operare.

Et c. 31. eiusdem libr.

Debes præmeditari, fili, cui rei debeas manum  
apponere ad operandum.

II. Diligenter (a) naturam rimator, & (b)  
dicta philosophorum probe meditator.

(a) Sine lumine enim & cognitione naturæ  
impossibile est hanc assequi artem, nisi singulari  
reuelatione alicui contingat, vel per secretam a-  
mici demonstrationem: Sendiuog. Frustra ergo,  
vt ait idem in Epilogo, laborat ille, qui sine natu-  
ræ cognitione manus ad labores porrigit.

C 3

(b) Lull.



(b) Lull. c. 29. Theor. test.

Nota doctrinas nostras, & glosa fortiter per multas considerationes & reiterationis speculationes, si desideras nos intelligere.

Morienus.

Si quis philosophorum dicta inuenerit, in illis diligenter studeat, donec ea recto modo intelligat: cum diuturnitate enim meditationis immensæ scientiarum arcanum & incomparabilem thesaurum inuenit.

### CONSECTARIUM.

*Itaque ad praxin ne accedito, nisi in theoria diligenter versatus fueris.*

Oportet enim, ut in hoc studio doctrina experimentum præcedat.

Lull. c. 53. Theor. test. sub finem.

Nisi per theoriam naturas intelligas, nullo tempore per practicam opus tuum corrigere scies: sed potius in errorem cades.

Teruissinus ad Thomam de Bononia.

Errare contingit ad opus accedere volentes, omisso & neglecto mentalis practicæ iudicio, quâ theorica in animo operatur, priusquam ad opus conficiendum operationes accedant.

Razes.

Non potest facile eius in praxi manus inclarescere, nisi etiam mens in theorica prius mace-  
rit. Ille enim ad operationes securus accedit,  
opus in mente plures operationum imagines resul-



DE PORTA HERMET. SAPIENT. 39  
resultant. Confer & Arnold. præf. in Ros.

Lull. lib. Vade mecum.

Ars nostra sine philosophia nec doceri, nec  
possideri debet.

Paracelsus lib. vexat. p. 932.

Wer baß dichtet / der trifft auch baß die kunst/  
vnd findet die warheit: id est: Qui rem acutius  
perpendit, veritatem attingit.

Idem lib. de imag. c. 12.

Einer der da speculiret / vnd hat deren dingen  
einen verstandt / darinnen er speculiret / leset er nicht  
dauon ab / vnd ihm ernstlich angelegen seyn / so er-  
findet er in solcher speculation die practick. id est:  
Qui speculatur, & res, quas speculatur, intelligit,  
si non desinat, sed sollicite rem curæ, cordique  
habeat, per speculationem talem practicam in-  
uenit.

*III. Diligenter considerato, num propositum  
tuum cum natura concordet, an sit possibile; Ab  
exemplis discito apparentibus, ex quibus rebus  
quid fiat; quomodo & in quali vase natura ope-  
retur. Sendinog. quem alias soleo Anonymum  
Leschum appellare.*

### CAPVT III.

#### DE VIVA INSTITVTIONE.

**E**Sset sane hæc clauis omnium tutissima, &  
certissima, sed cum ea pauci ob artis summæ  
summam eminentiam, & seriam philosophorum  
prohibitionem potiri queant, non possum ali-



quid de hac claue proponere. Qui possidet hanc diuinam scientiam, eam nemini facile aperit: Qui vero non habet, docere nequit. Quod sane mouere debet magnates, ne credant iis, qui se exactissime artem tenere glorianur. Et cum magnates huius seculi Hermetis arcanum propter abusum ad pompam & tyrannidem appetant, fere omnes indigni Dei iudicio habentur: Et si quis huiusmodi viris se aperiret, magisteriumq; demonstraret, sibi periculum fabricaret: id quod ex Sendiuogii Epilogo luculenter constat, vbi sic ait: Non dubito multos bonæ conscientiæ & voluntatis homines illud donum Dei clanculum possidere; Hi meo moniti exemplo, & meis periculis cautiore & prouidentiores facti, Harpocratis sibi commendatum habeant silentium: Quotiescunque enim me magnatibus detegere volui, semper aut in damnum aut in periculum mihi cessit.

## CAPVT IV.

## DE LECTIONE.

I. **D**iligenter verorum philosophorum libros legito, & lectione assidua id, quod legisti repetito.

Basilius Valentinus mihi p. 3.

Berachte mein freund auch nicht/ noch verschmehe die warhafftige Schrifftten deren / die den Stein vor vns gehabt haben: Denn durch die offsenbarung Gottes hab ichs von ihnen / vnd solch lesen muß vielfeltig vnd offter geschehen/ damit der grund nicht vergossen werde/vnnd die warheit/ wie ein Liecht verlesche.

Theo-



DE PORTA HERMET. SAPIENT. 41

Theophilus in Turba.

Nemo nouit artem numi & auri arcanum, nisi  
qui philosophiæ librorum diligent & assidua lectio-  
ne perlegerit,

Dionys. Zach. Gall.

Qui ad veri lapidis cognitionem prouchi de-  
siderant, constanter & patienter prius legere &  
intelligere bonos autores discant, quam operi  
manum admoueant, intellectum à Deo preci-  
bus impetrantes.

Teruis. præf. in Alchym.

Te primo intuitu dicta nostra intellectuum  
ne arbitrator: vix enim decima lectionis repeti-  
tione sensum eorum apprehendes. Quo sapius  
lectionem repetes, eo exquisitius vim dictorum  
intelliges.

CAUTE LA.

*Cauebis, ut pro verorum philosophorum  
libris impostorum scripta & recepta legas.*

Hæc enim omnia fallunt, & à veritate longe  
abducunt.

Corrector fatuorum præf.

Omnes huius artis apicem diligentes studiis  
conentur insistere, & ex libris haurire veritatem,  
& non ex mendosis, neque ex fabulosis.

Terminus.

Qui artem veram assequi cupit: versator cum  
sapientibus, hi eorum, & non impostorum li-  
bros legito, licet obscuris verbis eam doceant.

OBSERVATIO.

Vt verò verè philosophicos libros à sophisti-  
cis exquirite secernas, omnes alios libros cum his,

C S quos



quos hoc in volumine Hermetico exhibeo & allego, conferto. Si ipsorum doctrina cum hisce libris conspirauerit, eos pro philosophicis habeto. Sin vero dissenserit, atque nihil nisi fictos processus ad solem & lunam conficiundam tibi obtulerit, sophisticos eos libros esse tibi certo persuadeto.

*II. Sub initium studii Hermetici vnum librum tantum legito, ex cuius multoties repetita lectione errores vulgariū operantium dignoscere, terminis philosophorum assuescere, generationem rerum naturalium intelligere, atque vestigationis veræ materiae fundamentum certissimum ponere queas: post autores alios addito & conferto.*

Hanc viam si iueris, ad propositam metam citius peruenies, atque nostra philosophia tibi magis dulcescet, quam si per multos libros superficiali lectione sine requisito iudicio & debita observatione percurras. Ex multitudine potius confunderis, quam proficies. Distrahit animum, ait Seneca, librorum multitudo. Itaque cum legere non possis, quantum habueris, fate est habere quantum legas. Sed modo, inquis, hunc librum euoluere volo, modo illum. Fastidientis stomachi est, multa degustare: Quæ ubi varia sunt & diuersa, coinquant, non alunt. Probatos igitur semper lege, & si quando ad alios diuertere lubet, ad priores redi. Tutius ergo, ego aio, semper est vnius philosophi dictis, quamuis obscuris, pertinaciter adhærescere, in sensum eorum studiose



diſpoſe meditatione attentiffima inquirere, & in v-  
no autore ſuæ philoſophiæ fundamentum iacere,  
quam multa non intellecta legiſſe videri. Ego  
Bernhardi Comitſ Teruiſini opusculum Her-  
neticum ſub initium legi. Tu tractatus duode-  
cim Michaelis Sendiuogii, qui in titulo ſui libri  
Diui Leſchi genus amare ſcribitur, tibi compa-  
rare, atque vel centies cum ſumma meditatione  
perlegere poteris. Vix ſine fructu, ſi modo Deū  
ſine intermiſſione certa fide ſultus imploraue-  
ris, librum eum depones.

*III. Iudicio ſincero in legendo utitor.*

Sapienter inquit Lull. c. 29. theor. teſt. Conſi-  
deres doctrinas noſtras, ne te (vt verbis philoſo-  
phi Apuleii vtar) antiquorum librorum textus,  
qui verba nonnunquam tranſponunt, decipiant.

CONSECTARIA.

I.

*Itaque ad naturam dicta philoſophorum  
renocato.*

Ludolph. Verdeman. præf. in teſt. Lull.

Philoſophorum ſcripta non ex verborum cor-  
tice, ſed ex naturæ viribus intelliguntur.

Teruiſinus.

Vos oportet dicta philoſophorum ad naturæ  
poſſibilitatem, & non ad ſonum verborum intel-  
ligere.

II.

*Obscura loca cum apertis conferto.*

Doctrina enim vnius aperit doctrinam alte-  
rius.

Lull.



## Lull. c. 31. Theor. test.

Quod illam viam insistere debeamus, suo exemplo admodum pulchre docet. Teruisinus, ubi sic ait: Consideraui, quibus in locis libri maxime in eundem sensum inter se conuenirent, ibidem existimaui potissimum latere veritatem.

## III.

*Ea, circa qua philosophi se errasse ingenue fatentur, probe notato, ut ab isdem erroribus tibi caueas.*

Sophisticos huiusmodi errores plurimos recenseri à Bernhardo Comite Teruisino & Zacharia Gallo ex ipsorum libris intelligis: Tu modo attende & caue! nam

*Felix, quem faciunt aliena pericula cautum.*

## IV.

*Axiomata generalia à philosophis adducta eruito, & ante omnia exquisitissime pensitato.*

Deducunt enim te ad veram luminis naturæ cognitionem, atque tibi iudicium ingenerant, quo sophistas dignoscas, atque veros philosophos ab iis facillime discernas.

*IV. In lectione tamdiu perseuerato, usque dum mirabilem harmoniam & consensum doctorum philosophicorum videris.*

Basil. Valentinus mihi p. 2.

Sehe dein vornemen nicht in einen wancfelmur/ sondern folge dem gesagten self nach/ da alle weissen zusammen treffen: id est. propositum tuum haud sit incertum & dubium, sed immotæ petrae, in qua omnes sapientes conspirant, innititor.

Idem



Idem von der groſen heimlichkeit  
der welt mihi p. 197.

Es gehöret zu einem waren philoſopho vielſel-  
tiges fleißiges leſen vielerley Schrifften der alten  
weiſſen/ ſo für vns gelebet haben: vnd erwege ſolche  
wohl! mit offter widerholung. Mercke auch  
in ſolcher ernewrung ihr einhelliges gemüt/  
da ſie ſämptlich zum ziel treffen. id eſt. Verus phi-  
loſophus multoties ſcripta antiquorum ſapient-  
um, qui ante nos vixerunt, ſumma cum diligen-  
tia legere tenetur. Et tu ea ſæpius repetita bene  
penſita, & dum repetis, vnanimem ſophorum  
conſenſum, quo omnes vna ad ſcopum colli-  
mant, obſerua.

Dionyſ. Zach. Gall. in præf.

Amatores huius artis rogo, vt omnibus dubiis,  
quæ circa ſingulas operationes in compositione  
neceſſarias verſantur, collatis, & quæ ſibi mutuo  
contradicere videbuntur, ænigmatum æquiuo-  
cationibus & figuris animū adeo reſolutum & li-  
berum habeant, vt videant & intelligant, diuerſa  
philoſophorum verba in vnitæte ſenſus conſpira-  
re, & non eſſe niſi meras concordantias.

C A P V T V.

D E O P E R A T I O N E.

O Peratio, clauis portæ noſtræ, non conte-  
mnenda. Secundum hos canones inſtitutor.

I. In Omnibus naturam imitator.

Teruiſ. Auroræ conſurg. cap 3.

Diuerſos naturæ proceſſus philoſophi ſuper-  
addu-



adduxerunt, vt per hoc adstruerent, scientiam fore naturalem, & in omnibus naturam imitari.

Dionys. Zach. Gall.

Quotquot naturam imitati fuere, ad huius artis notitiam peruenerunt.

Clangor Buccinæ.

Plus imitatur Alchymia inter omnes alias artes naturam: alia enim artes naturam imitantur similitudinarie; Alchymia vero mera veritate.

*Imitator vero naturam I. In materia.*

Sic enim ait Zach. Gall. Si naturam ars imitatur, necessario fatendum est, ipsam vti simili materia qua natura. At natura in procreatione metallorum solo argento viuo vtitur. Itaque (vt cum Assiduo loquar) opus philosophorum & prophetarum non fit, nisi in solo argento viuo. Naturam exactissime imitamur, ait Teruisinus, quæ in suis mineris aliam non habet materiam, in quam operetur, præterquam puram formam Mercurialem. *II. In remotione extranei.* Teruis. Turba phil. Morienus. Itaque qui aliquid aliud quam Mercurialem naturam ad opus nostrum assumunt, philosophis merito associantur. *III. In pondere.* Quicunque naturam in his imitari volet, huius obseruet ordinem & pondera duntaxat. Teruis. Si velis, ait Sendiuogi<sup>9</sup> tract. 12. vt natura melioretur in actu, solue corpus quoduis, & illud, quod nature accessit heterogeneū, separa, purga, cōiunge pura puris, cocta coctis, cruda crudis, secundum naturæ pondus, non materiæ. *IV. In colore.* Ita enim Teruisin<sup>9</sup>: Pro gradib huius alterationis Mercurii (in nostro opere) per suū sulphur diuersi colores oriun-



oriuntur, non aliter, quam per naturā in mineris:  
 Colorum eiusmodi primus est nigredo Saturnea:  
 Secundus albedo Iouialis: Tertius Lunaris: Quar-  
 tus Venereus: Quintus Martialis: Sextus Solaris:  
 Septimus vero color vno gradu solarem vincit: si-  
 quidem materiam nostram perficimus, & plusquā  
 perfectā reddimus post dictos colores rubeo san-  
 guineoue colore exaltatissimo. *V. In igne.* Nam  
 ignis duntaxat, ait Teruifinus, omnem artem re-  
 git, quo natura vititur. *VI. In operando:* ars enim  
 adiuuatur discendo ab operationibus naturæ.  
 Teruif. *VII. In operationis tarditate.* Natura facit,  
 ait autor Rosarii philosophorum mihi p. 214. suā  
 operationem paulatiue: Ego vero volo, vt tu idem  
 facias; imo secundum naturam tua sit imaginatio.  
 Hinc philosophi festinationem prohibent.

*II. Non operator, nisi rationibus certis, quæ  
 vel ex frequenti & assidua lectione tibi nata  
 fuere, vel lumine natura niti videntur, ad ope-  
 randum permouearis.*

Ab alterius, qui tibi aperte auri conficiundi  
 rationem, & Mercurii fixationem, aliaque plura  
 pollicetur, nudis verbis & sophisticis processibus  
 plane nihil ad operandum flectaris, imaginare tu  
 potius ex natura secundum naturam, quid tibi  
 fuerit faciundum: Nam multo melius est cere-  
 bro & imaginatione prius discedere, quam re,  
 quam manu & sumptibus. Teste Sendiuogio.

*III. Operationes tue non sunt vulgares.*

Itaque 1. varia & multa chymicorum vasa. 2.  
 ignem, quem vulgus chymicorum adhibet, & 3.  
 instrumenta vulgaria reicito; Sed tibi vas vnum,  
 ignis



ignis vnus, instrumentum vnum, & regimen v-  
num esto.


*IV. Diligenter operator.*

SCALA PHILOSOPH.

Cum in opere fueris, adsit assiduitas, & patien-  
tia cum expectatione congrua, cuius finis com-  
modum & laticia: absit pigrities & negligentia,  
& festinatio diabolica, cuius finis damnum &  
tristitia.

PORTÆ HEMETICÆ SAPIEN-  
TIÆ FINIS.

*Laus Deo.*



PH I-



**PHILOSOPHIÆ  
HERMETICÆ**

*Tractatus Tertius, qui est*  
**SILENTIVM HER-**  
**METICVM,**

Quo tacenda HERMETIS Philosophia  
compendiose & neruose

*Describitur ab*

**HENRICO NOLLIO.**

**P R Æ F A T I O.**

**H**UNC tractatum, suauiſſime Lector,  
Silentium uoco Hermeticum, quia  
id, quod in eo proponitur, ſub alto ſilen-  
tio à philoſophis tractatur, & variis æ-  
nigmatibus, parabolis, & figuris vela-  
tur, ne indignis reueletur, ſed ſolius ve-  
ritatis ſtudioſis, & piis animis otium per  
negotium quærentibus, nimirum ſincerio-  
ris doctrinæ filiis innotefcat. Philoſophiã  
vero HERMETIS hoc in libello certis  
D erotema-



*erotematum & responsionum formulis  
depingere & describere placuit non alia  
de causa, quia sic lubuit, & huiusmodi  
docendi ratio doctissimis viris probari  
solet.*

*Quid ergo est HERMETIS, antiquo-  
rumque sophorum vera philo-  
sophia?*

PHILOSOPHIA antiquorum sapientum  
non est studium altercandi à sophistis ad Acade-  
mias translatum, sed est spiritus vniuersi (quem  
vulgo naturam appellitant) omnia in omnibus o-  
perantis, rerum conseruationem promouentis,  
vitam omnium viuentium perpetuantis, genera-  
tionem procurantis, atque defectus omnes sua  
ipsius præsentia & efficaci actione tollentis scien-  
tia.

*Quid est spiritus vniuersi?*

Spiritus vniuersi est essentia subtilissima, per  
omnes creaturas hoc mundo comprehensas dif-  
fusa, summa agendi potestate prædita, penetra-  
tione sua omnibus robur & vires concilians, atq;  
ita disposita, vt corpora, quibus inest, conseruet,  
vegetet, animet, atque ab omni imperfectione  
liberet, si modo perfectionis fuerint capacia.

*Vnde est autem spiritus hic vniuersi?*

A Deo sub initium mundi creatus, atque cor-  
poræ mundi substantiæ incorporatus est, ita a-  
men



men vt in constantiori corpore maiori cum virtute & copia inueniatur.

*Quodnam illud corpus est, in quod spiritus vniuersi copiose transfusus est?*

Est corpus omnium subtilissimum, & à corruptione, crassitieque remotissimum, nimirum cœlum, quod per astra & luminaria sua summam vniuersi litus copiam possidentia in hæc inferiora corpora vim & essentiam vniuersi demittit, vt hinc in vigore persistant, ad vitam disponantur, anima imprægnentur, atque ab omni imperfectione ad perfectionem certis mutationum gradibus prouehantur.

*Estne ex dicto spiritu vitæ infinita constantia & perpetuitas?*

Philosophi quidem huic spiritui, cum sit naturæ constantissimæ & perfectissimæ, illud potestatis tribuunt, qua perpetuum primaria & cœlestia corpora persistunt: sed cum homo propter peccatum in Deum commissum morti sit obnoxius, in hisce inferioribus creaturis prolongationem vitæ, non perpetuitatem operatur: Homo enim, quia in Deum peccauit, legemque diuinam transgressus est, factus est haud capax perfectionis cum perpetuitate & æterna constantia coniunctæ.

*Igitur, vt audio, operatur vitæ prolongationem?*

Imo patriarchæ per spiritum & animam mundi vitam in multos protraxere annos. E mineralibus



libus auro summam iste spiritus impertit constantiam: Huius enim corpus cum spiritu vniuersi summe sit imprægnatum, atque ad summam sit deductum perfectionem, elementa eius adeo sunt adæquata, vt nec ab aere alterari, neque ab aqua mutari, neque ab igne consumi, neque à terra exedi possit. Atque hinc Paracelsistæ nobilissimam medicinam ex auro eliciunt, dum in spirituale naturam illud transplantant, atque è fixo volatile conficiunt.

*Quo medio spiritus vniuersi haberi potest?*

Eo medio, per quod è cœlestibus luminaribus sublunari creaturæ communicatur, & incorporatur, dubio procul acquiritur. Iam vero aqua est medium, cuius interuentu non tantum mineralia & metalla, sed etiam vegetabilia & animalia de spiritu ex sole & luna, cæterisque stellis defluente participant. Quis ergo in aqua spiritum vniuersi quærendum esse inficiari poterit? Et Moses ipse Genesios primo Spiritum Domini ferri super aquas ingenue fatetur.

*Spiritus vniuersi estne lapis Philosophorum?*

Non per se, quatenus iam actu omnia sustentat & conseruat, sed quatenus iam ex vniuersali medio in medicinam eminentissimam philosophica digestionem decoctus est, dicitur & est lapis philosophorum.

*Quid ergo est lapis philosophorum?*

Lapis philosophorum est spiritus vniuersi, incubatu



DE SILENTIO HERMETICO. 55

cubatu suo actrans aquas, atque in medicinam  
tam superiorum, quam inferiorum virium habi-  
taculum digestionē philosophica deductus, eaque  
virtute præditus, ut imperfectis substantiis per-  
fectionem suā ipsius communicatione inge-  
nerot.

*Quenam est perfectio, quam lapis sopho-  
rum rebus sui communicatione  
impertit?*

Lapis legitime administratus metalla imper-  
fecta in auri statum deducit, vegetabilibus matu-  
rationem, virorem & vigorem inducit, anima-  
liaque quæcunque, siue sint bestię, siue ratio-  
nales creaturæ, si quo morbo infecta fuerint,  
stupendum in modum ab eo sub minima dosi li-  
berat.

*At impossibile est, aurum ab arte fieri posse,  
& vnam medicinam omnibus mor-  
bis mederi?*

Verum est, ab arte non posse produci substan-  
tiam, ac proinde nec aurum; sed sine natura ar-  
tem intellige: Naturæ enim subsidio, si auri pri-  
mordia habentur, aureitatem imperfectis metal-  
lis inscribi posse nemo inficiabitur, cum philoso-  
phorum chorus vnanimi consensu id ipsum asse-  
ueret, & hoc per ipsam experientiam ante hæc  
seculi toti orbi innotuerit. Ars tantum hoc in ne-  
gocio auxiliatur naturæ. Vnam vero medicinam  
omnibus posse mederi morbis, vel ex hoc consta-  
bit, quod vna hominis natura est, vna materia,  
vnus cibus omnibus hominibus in vniuersum  
satis faciens, vnus potus omnibus animantibus

D 3      suffi-



sufficiens, vnusque Deus, qui hominem condidit. Vno conseruatore dato, dabitur & vnum quid, quod à morbo quemlibet custodiat & liberet: Liberare enim à morbo conseruare est: quamuis non omne conseruare sit à morbo defendere. Conseruatur enim & ii, qui nondum in morbum prolapsi sunt. Præterea ex abundanti iam concludo hoc syllogismo. Id quod omnium tam superiorum quam inferiorum vires in se continet, omnibus morbis mederi potest. Atque lapis philosophorum omnium tam superiorum, quam inferiorum vires in se continet: Ergo lapis philosophorum omnibus morbis mederi potest. Propositio sua luce radiat, nec negari potest. Assumptum philosophorum consensus stabilit, & HERMES in tabula Smaragdina id ingenuè affirmat, nec illud alio modo hic probare licet: ne indignis mysterium & miraculum macrocosmi vnicum & summum pandatur. Qui vero meos omnes tractatus Hermeticos diligenter legit, meditatur & sæpius attentè repetit, euidentissimam assumptionis probationem exinde percipiet. Caligo enim oculorum ex crebra repetitione & immensa meditatione discutietur, & intellectus cælestis lucis radiis illuminabitur, vt, quæ mundus in tenebris delicias & otium quærens cernere non potis est, dilucide veluti in clarissimo speculo suam ipsius imaginem sincerioris nostræ sapientiæ veritatem videat.

*Ex qua materia habetur lapis philosophorum?*

Ex aqua viribus superiorum & inferiorum imprægnata.

*Assu-*



*Assumiturne sola aqua ad lapidis  
productionem?*

Assumitur. Sic enim autor Rosarii philosophorum mihi p. 214 ait: Moneo te, vt totum tuum intentum sit in decoctione aquæ, & ne tædeat te, si vis habere fructum, & non cures de aliis rebus vanis, nisi de sola aqua: Coque ipsam paulatim putrefaciendo, donec mutetur de colore in colorem perfectum. Quare Morienus & Aros iubent, vt imitemur naturam, quæ in mineris in nullam rem aliam operatur, quam in pure mercurialem formam. Vide Teruif mihi p. 298. Si per solum Mercurium perficere poteris magisterium, preciosissimi operis eris indagator; ait Geber. Si cum Mercurio, ait Thomas Aquinas c. 4. lib. ad Rainaldum, nulla re extranea addita, operatus fueris, consequeris optatum, &c.

*At ex aqua & terra lapis constitui philosophis dicitur?*

Dicitur quidem, sed ea de causa, quia aqua philosophorum terram actu in se habet, quæ in ipsa operatione prodit, quando ex aqua generatur.

*Estne igitur vna materia lapidis?*

Vna. Audi Morienum, qui mihi p. 25, sic ait: Huius rei prima & principalis substantia & materia est vna & de ea est vnum & cum ea fit, neque ei aliquid additur vel minuitur: Id quod & Hercules quidam Rex & philosophus approbat, dicens: Hoc magisterium ex vna primum radice provenit, quæ postmodum in plures res expanditur, & iterum ad vnam reuertitur. Quare paulo post Morienus p. 27. Multiplicia quidem, inquit, eius



radicis sunt nomina, sed si ea, quæ supra dicta sunt, recto ordine inspexeris, vnam eius radicem & substantiam & materiam inuenies.

*At philosophi fœminam & masculum  
simul requirunt?*

Requirunt quidem, sed id ea de causa non fit, quod duæ sint res distinctæ & à se inuicē separate in nostro opere, sed quod in vna nostra materia duæ sint substantiæ, fixa & volatilis, quarum hæc nomen fœminæ; illa vero nomen viri obtineat. Sperma nostrum Hermaphroditicum est, omnia, quibus opus habet, in se continet. Vnde lapis philosophorum dicitur seipsum perficere, & coagulare: Modo fiat administratio ignis legitima.

*Quomodo & aqua philosophorum lapis  
preparatur?*

Aqua in terram philosophico processu vertitur. Terra continuo irrigatur, & exinde in crystallinam, pellucidamque aquam transmutatur, postmodumque eodem processu rubicundissimus prodit. Quæ, aqua nimirum & ignis, si in vnam essentiam coaluerint, medicina medicinarum, quam supra declaravi, inde proueniet. Sapienti satis.

SILENTII HERMETICI  
SILENTIVM.

*Laus Deo vni in æternum. Amen.*

PHI-



PHILOSOPHIÆ  
HERMETICÆ

*Tractatus quartus, seu*  
AXIOMATA HER-  
METICA,

In gratiam eorum, qui ad veram Hermetis  
Sapientiam adspirant,

*Collecta ab*  
HENRICO NOLLIO.

P R Æ F A T I O.

**T**Ractatus hic est meæ Hermeticae  
philosophiae quartus, in quo axiomata  
seu generales sententiae ad medicinæ Her-  
meticæ, quam lapidem antiquorum philo-  
sophorum vocitant, cognitionem quoquo  
modo deducentes ex Sapientum libris  
proponuntur, & explicantur. Si hæc axio-  
mata attente legeris, atque ad naturæ  
fontem examinanaueris, facile philoso-  
phie nostræ immotum fundamentum tibi  
innotescet, & dubio procul dignus eva-  
des,

D S des,



*des, qui ad intima Hermetice Sapiencie penetralia admittaris, atque in genuinum Hermetis filium adopteris. Verum ut debito ordine omnia hic proponantur, quinque huius tractatus axiomatici capita faciemus, quorum primum axiomata de generali magisterii indagatione; 2. de materie veræ vestigatione. 3. de materie preparatione; 4. de lapidis creatione; & 5. de lapidis philosophici multiplicatione exhibebit.*

## AXIOMATVM HERMETICORVM

### CAPVT I.

#### DE MAGISTERII GENERALI indagatione.

I. **Q**uod potest fieri per pauciora, frustra fit per plura.

Scalaphil. p. 130. Querc. pharmac. restit. p. 314. Itaque cum materia philosophici magisterii vna sit, neq; & philosophorum sententia præter illam vnam materiam quicquam sit ad opus nostrum assumendum. Errant omnes ii longe, qui duas vel plures materias diuersæ essentia & naturæ præparant, atque in medicinam Hermetis conquire intendunt.

II. Ars



II. *Ars substantiam non producit.*

Ἡ τέχνη, inquit Pachymerius, ὁρῶν ἐκ ἀπρόσδεκται.

Vnde Lull. c. 53. Theor. test. p. 93. b. Ars non potest dare formam substantialem rebus, sicuti facit natura per ingenium suæ nobilis operationis: ideo necesse est arti ad naturam recurrere, ut eius substantiales formas, quas iam creauit, ad formandum corpus obtineat. Hoc saltem ars potest, nempe auxiliari naturæ, habito semine. Quemadmodum id euidenter agricultura docet: ubi agricola semen creat nullum, sed tantum arando, occando & stercoreando agrum colit, atque eo disponit, ut semen iam ante à natura creatum fecundiores ferat fructus. Olitor etiam hic tibi exemplo erit. Hic non creat surculum, quo arbores propagare nouit, sed iam à natura in sua arbore productum atque inde rescissum alii trunco adhuc viuo inserit, ut in eo in arborem magnam excreseat, atque plures proferas fructus, quam si in sua prima arbore relictus fuisset. Quod bene notabunt sophistæ, qui semen auri ex rebus alienis, nempe ex vitriolo, sale, alumine, stercorebus, ouis, imperfectis metallis, &c. per artem fabricare student non cogitantes, semen auri esse substantiam iam dudum à sole & luna creatam, suoque primordiali corpori insitam; ac proinde omnis artis operam frustraneam esse in producendo semine, quod Deus naturæ inclusit: cum ars vi nostri axiomatis substantiam non producat.

III. *Non inuenitur in re, quod in ea non fuerit antea.* Arnold. c. 10. lib. 1. Ros. c. Terui. p. 7.

C O N-



*Itaque nullus à natura debet petere, quod non habet, nec habebit vnquam.*

Lull. c. 18. Theor. test. p. 35.

Catholicum ergo remedium ne quære in particulari corpore. Catholicum è solo catholico desumendum est. Auari cum nihil nisi aurū noctesque diesq; meditentur, auri veram tincturā quærentes nihil de vniuersali medicina cogitāt, ac proinde id quærunt in rebus, quod in iis nō cōtinetur. Tinctura nostra physica generalis est; atque non tantū ad minerale & metallicum regnum, sed etiā ad vegetabile & animale spectat. Itaque tinctura auri non tantum vestiganda est: sed tinctura vniuersi æque tria sublunarium corporum regna respiciēs. Hęc cum ex auro vulgari hauriri nequeat, ex alio corpore, quod communiter corpora mineralia, vegetabilia & animalia ex æquo pure concernit, atque vere viuum est, desumatur necesse est: in illo enim, quod catholicum est, catholicum remedium facilius habebitur, quam in illo, quod particulare est. Subque vno regno tantum militat.

*IV. Omnis natura naturaliter perfici desiderat, ac destrui abhorret.*

Rosar. phil. mihi p. 395.

Destructio est duplex: violenta & naturalis. Violenta est, qua semen corporis penitus destruitur, atque corpus inhabile ad suæ speciei propagationem efficitur. Huiusmodi destructionem quodlibet corpus fugit: Naturalem vero corruptionem



ptionē maxime desiderat desiderio natura. Naturalis enim corruptio fit cum seminis conseruatione, quippe essentia seminis per eiusmodi corruptionem magis magisque perficitur: ut videmus in semine humano, quod in utero matris destruitur, ut inde fœtus & homo fiat. Simili modo nostrū semen in aqua nostra putrescit, corrumpitur, & secundum externam formam destruitur, ut inde magis magisque in perfectionem & summum multiplicationem, ingenio philosophi sic disponente, deducatur.

*V. Nulla materia potest perfici, nisi patiatur diu.* Lull. cap. 25. theor. test. p. 46.

Inspice Generationem tritici, quod per multas septimanas in terra iacet, in eaque variis & longis passionibus sabiacet: putrescit enim cum longa mora, dum humorē vegetabilē paulatim & non subito in se absorbet, & pars post partem perfecte soluitur, ut inde id, quod intus in profundo fuit absconditum, facilius prodeat & progeminet. Semen virile in utero fœminæ non alteratur subito, sed cum mora, quia humorem animale quo nutritur, & soluitur, paulatim attrahit, atque hinc ut plurimum post quadraginta septimanas fœtus excluditur perfectus. Similiter philosophi volunt, in creatione lapidis sui non esse festinandum, sed patienter propter moram, quæ est in opere magisterii propter elementorum repugnantiam maxima, operandum, usque dum arcanum philosophorum absolutum fuerit.

*VI. Succurrendum est natura per artem (in eo) quod ommissum est per naturam.*

Scala



Scala phil. p. 13. Lull. c. 57. theor. test.

Sic cum natura agrum excolere nequeat, ars naturæ venit subsidio, agrum aratro proscindit, fimisque impinguat convenientibus, ut semen iniectum uberiores fundat fructus. Sic & philosophicæ nostræ materiæ hoc auxiliiferentes, eam certo vasi includimus, in eoque tandiu igne nostro humido coquimus, usque dum in sua propria aqua solis filius in rubicundissimam medicinam permutetur, fixissimaque inde tinctura prodeat.

*VI. Natura non emendatur, nisi in sua natura propria.*

Teruis. p. 14.

Hoc est, ut ipse Teruis. p. 35. explicat: natura metallica non emendatur, nisi in sua natura metallica, & non in alia quavis. Huc refer quod Sen-diugogius tract. i. de natura ait: Si præstantius quid moliris, quam natura, animaduerte in quo & per quid melioretur. Et semper id fiet in suo simili. Exempli gratia; Si cupis metallum (quæ est nostra intentio) ulterius, quam natura fecit, in virtute promouere, naturam accipere oportet metallicam.

*VII. Natura natura latatur, & naturam continet, & natura naturam vincit.*

Quia bis vocabulum *Natura* ponitur, duo esse, quæ magisterium nostrum constituunt, intelligito, sed cum hæc duo in eadem sententia eodem vocabulo, mutato saltem casu, exprimantur, vnius naturæ & essentiæ ea esse certo statuito. Naturæ vero eæ dicuntur fixum & volatile. Fixum in operatione nostra continet naturam volatilem,

ne ab



ne ab igne fugiat: volatilis natura fixam substantiam sibi natura ita inclusam habet, vt sensum fugiat, neque ante decoctionem debitam videatur. volatile à fixo tum superatur, quando ab eo figitur, atque sibi ita incorporatur, vt aduersus ignis vehementiam sub forma perfectæ medicinæ consistat: Fixum à volatili vincitur, quando in volatilem naturam à volatili mutatur, atque sub mercuriali forma apparet.

*VIII. Ignorato motu, ignoratur natura.*  
Arist.

Sine motu enim nihil generatur.

Lull. c. 49. theor. test.

*IX. Omne quod eandem cum aliquo composito operationem efficit, est eidem per omnia simile.* Zach. Gall. p. 77.

Id est: vbi eadem operationes, ibi eadem essentia; vt ait Athanasius dial. 2. de Trinitate. Itaque aurum philosophica proiectione productum cū eadem cum auro à natura generato operationes habeat, eandem quoque cum eo essentiam habet.

*X. Nullus transitus potest fieri vnius extremi ad alterum, nisi per medium.* Lull. c. 78. theor. test. Arnold. Rosarii sui lib. 1. c. 10.

Priusquam igitur terram in aera transmutas eam in aquam transformabis: aqua enim inter terram & aera est media: & antequam aquam in ignem vertis, eam in aere mutabis. Hic enim est inter aquam & ignem medius, &c.

*XI. Me-*



*XI. Metalla transmutari non possunt, nisi in primam reducantur materiam.*

Nam, quando metalla, ait autor Clangoris Buccinæ p. 487. ad primam materiam reducuntur, habetur proprium sperma eorum, ex quo artificialiter generantur.

*XII. Simile in simile non agit, ac proinde simile à simili non patitur.* Ros. phil. p. 233.

Intellige id, quod est alii per omnia simile. Sic corpus in corpus, & spiritus in spiritum omni ex parte similem non agit. Atque hinc dissimilia in nostra arte habemus: *Vnum est indigestum, immaturum, crudum, imperfectum, humidum, molle, volatile: Alterum est digestum, maturum, coctum, perfectum, siccum, durum & fixum.* Illud quia volatile est, dicitur spiritus: Hoc quia fixum, corpus. Dissimilitudo hæc est in qualitatibus, non in essentia: ut aperte ex hoc Arnoldi dicto patet: corporis soluti & aquæ soluentis una natura est, nisi quod natura corporis completa est, digesta & fixa: aquæ autem natura incompleta, digesta & volatilis, per hanc accidentariam dissimilitudinem spiritus & corpus appellantur inimici. Quo refer illud philosophorum: Fac pacem inter inimicos, & habebis, quod quæris.

*XIII. Immaturis succurrendum est per maturam.* Ros. phil. p. 301.

Vnde idem autor p. 232. Corpus, ait, perfectum per nostrum magisterium iuvat & perficit imperfectum sine mixtione alicuius rei extraneæ.

*XIV.*



XIV. *Omne peius laborans in aliqua arte, de sua naturali malitia melius destruere nititur; & omne melius laborans in aliqua arte peius perficere conatur.* Ros. phil. mihi p. 296.

XV. *Omne quod alterat, in alterandum intrat.*

Quicquid enim ingreditur, transmutat: inquit autor Ros. phil. mihi p. 358. Et quod non intrat, non alterat.

Treuir. ad Thomam de Bononia p. 103.

XVI. *Omne subtile ingreditur in omne grossum.*

Hermes citante Senior. p. 164.

XVII. *Aqua quæ dissolvit corpora, ab iis vicissim inspissatur.*

Treuir. ad Thomam p. 63.

Corpora non dissolvit aqua, nisi illa, quæ fuerit suæ speciei, & quæ à corporibus inspissari poterit.

Idem p. 58.

In vegetabilibus humor aquæ simplicis pro dissolutione interna sumitur, ut res congelatæ in illam suos effectus diffundant: & rerum dissolutio contingit cum aquarum congelatione; & congelatio aquæ cum rerum dissolutione: Sic & eodem fit modo in aqua minerali cum suis speciebus.

Scala phil. mihi p. 132.

Non subtiliatur terra, nisi inspissetur aqua, nec aqua inspissatur, nisi subtiliatur terra: id est:

E

Solu-



Solutio corporis fit cum congelatione spiritus, & congelatio spiritus fit cum solutione corporis. Lull. c. 19. theor. test. p. 37. & c. 94. p. 157. b. Quantum ergo corpus soluitur, tantum spiritus congelatur.

*XVIII. Corpus grossum (spissum) cum simplici (subtili) & simplex cum grosso propter contrarietatem se coniungere non potest, nisi grossum in subtilitatem per suum simplicem spiritum conuertatur: & tunc sunt commiscibilia. Ros. phil. mihi p. 305.*

Calid. lib. 1. Secretorum p. 332.

Cum iam corpus attenuatum fuerit & subtiliatum, & exierit à sua densitate & spissitudine ad tenuitatem, & à grossitie & corporeitate ad spiritualitatem, tunc commiscebitur spiritibus, & imbibetur in eis: Et sic vterque euadent vnum & idem, & non separabuntur: sicut nec aqua mixta aquæ.

*XIX. Glacies per minima non coniungitur aquæ, nisi calore in aquam vertatur. Confer Rosar. phil. mihi p. 298.*

*XX. In calcinatione philosophica nulla debet fieri corporis diminutio; imo potius multiplicatio. Querc. resp. ad Aubertum p. 66.*

Aqua enim, qua philosophi calcinant, cum corpore calcinato vnū quid est, & in vnā naturā arctius coalescit, ac proinde corporis pondus adauget. Id quod sophistæ obseruabunt, vt suu merorem agnoscant, dum ita calcinando corpora

*Quæstio 1. Quia est Angelus vnus qui est corpus  
in se ipso & non corpus angustum. Et  
sic dicitur in philosophia p. 157*



corrumpant, vt pondus ipforum minuatur.

*XXI. Calx non sublimatur, nisi Mercurio se incorporet.* Arnold. Ros. sui lib. 2. c. 18.

Corpus, quod non est aqua, vna cum aqua fit aqua: ait Agadimon in Turba.

*XXII. Nihil fructum in nostra arte facit, nisi prius sit mortificatum.* Exerc. Turbæ p. 170.

Quod enim seminas, non viuificatur, nisi moriatur; ait Apost. c. 15. v. 36. 1. Corinth. Qui ergo, ait autor Autoræ consurg. p. 213. argentum viuum sciuerit occidere & mortificare, magister & philosophus in hoc opere appellatur: nam argentum vinum, teste Rosar. phil. p. 252. per se nihil valet: cum vero mortificatur cum corpore occulto, tunc valet, & viuit vita incorruptibili. Et hoc corpus est de natura Solis.

Hermes c. 3. de comp. p. 117.

Oportet nos duo argenta viua simul mortificare & venerari.

Basil. Valent. im vierten Schlüssel.

Wo erstlich kein erden wird / da kan auch kein aufferstehung folgen in vnserm werck: Dann in der erden steckt der natürliche Balsam / vnnnd das Salt derer / so da aefucht haben die wissenschafte aller ding. id est: Nisi primum corpus in terram abeat, non poterit in nostro opere resurgere: nam in terra naturæ balsamus. & sal eorum qui omnium rerum scientiam vestigarunt, continetur.

E 2

XXIII.



*XXIII. Idem ipsum, quod mortificat, id  
& viuificat. Parm. Turbæ p. 8.*

Seu vt Lull. c. 42. theor. test. ait: Id quod cor-  
rumpit, hoc idem creat. Sic in fit autor Scalæ  
phil. Vnde fit corruptio, inde fit vita & regene-  
ratio. Natura, quæ regit corpus, ait Parmenides  
dicto loco, illudque diruit, ac in puluerem & in  
nihilum conuertit, idem deinde renouat, reiterat  
& gignit frequenter.

Teruis. 4. part. Alchymia.

Rex occiditur à fonte & per ipsum resuscitatur.

*XXIV. Omnis res habens semen multipli-  
catur in eo, sed non absque natura auxilio. Sen-  
diuog. tract. 6. p. 25.*

Nihil enim sine femine nascitur: Sendiu. tract.  
7. & crescit, eodem test. tract. 6. p. 27. Quare si  
metalla multiplicari debent, necesse est, ea femi-  
ne non destituantur. Ne vero longe ab inuen-  
tione seminis metallici aberres, scito, semen me-  
tallorum vero & realiter ipsis inditum Sendiuog.  
tract. 6. p. 27. Nec minus scito, illud etiam alibi  
in subiecto liberiori, & non adeo compacto re-  
periri. Meditare, & ἐν τῷ ὅλῳ inuenies.

*XXV. Omnis res in mare & femina mul-  
tiplicatur. Sendiuog. tract. 6. p. 28.*

Non enim ingenio artificis ex vno vnum  
creatur, quia id solius Dei est proprium: sufficiat  
te posse ex duobus creare vnum tibi utile. Sen-  
diuog. eiusdem tract. p. 29.

*XXVI. Non tantum granum, vel corpus  
ver-*



*vertitur in semen, sed tantum est in corpore  
scintilla aliqua necessaria, quæ à suo corpore cu-  
stoditur, ab omni excessivo calore & frigore.*

Sendiuog. tract. 3. p. 18.

Si habes aures & sensus, hic animaduerte, & securus eris, non tantum ab illis, qui locum sper-  
matis ignorant, totumque granum in semen re-  
ducere nituntur; verum etiam ab his omnibus,  
qui in solutione metallorum versantur, vana, &  
metalla per totum soluere volunt, ut postea ex  
illorum commixtione mutua nouum creent me-  
tallum: Vide eundem Sendiuogium dicto loco.

*XXVII. Virtus cuiusque seminis est uni-  
cuique rei in suo regno se coniungere.* Sendiu.  
tract. 7. p. 31.

Semen enim non miscet se naturaliter alicui  
rei extra regnum suum. Send. ibidem. Regnum  
naturæ est triplex; minerale, animale, vegetabile.  
Ut ergo vnumquodque secundum naturam pro-  
pagetur, mineralia mineralibus, animalia anima-  
libus, & vegetabilia vegetabilibus coniunguntur,  
id quod datum axioma postulat.

*XXVIII. Pura matrix purum dabit fœtum.*

Sendiu. tract. 8. p. 33.

Pura ea dicitur matrix, quæ aliena natura non  
est conspurcata, sed in puritatibus omnibus de-  
positis, cum semine cum suo regno mirabilem  
harmoniam obtinet.

*XXIX. Ignis seu calor non aliter excita-  
tur, nisi motu.* Sendiuog. tract. 12. p. 45.

Quod facile videre est apud fabrum ferrarium,

E 3 fer-



ferrum lima comminuentem, quod earene motu vehementiori incalescit, ac si igne incanduisset.

*XXX. E fixis sales redduntur volatiles per solam proprie aquæ Mercurialis additionem. Querc. pharm. restit. p. 445.*

Sic ex cinere vegetabilis alicuius corporis per aquam nubis vegetabilem sal vegetabile elicitur. Similiter ex calce metallorum philosophice præparata sal metallicum per aquam metallicam philosophice deducitur, atque è fixo corpore in volatilem naturam permutatur.

*XXXI. Totum magisterium uno modo incipitur & finitur. Lud. Puer. p. 190.*  
Scilicet coquendo.

*XXXII. Totum opus & regimen non fit nisi aqua. Afflict. in Turba. sem. semitæ p. 439.*

Si æs nostrum, ait Custos Turbæ p. 24. aqua rexeritis, omnia prædicta inuenietis.

## CAPUT II.

### DE VESTIGATIONE MATERIE.

I. **O**mnis res est de eo, & ex eo, in quod resolvitur.

Arnold sem. Semitæ p. 473.

Sic glacies est ex aqua: resolvitur enim per calorem in aquam. Metalla ex argento vivo constituuntur.



tuuntur:resoluuntur enim artificio philosophico in illud, & quidem in operis initio. Vide Thom. Aquinate ad Rainald. p. 35.

*II. Vbi vera principia deficiunt, necessario progressus deficit & generatio eorum, quæ à veris principiis debent oriri.* Pet. Bonus.

Cum itaque aurum debeat esse verum, quod philosophorum proiectione efficitur, illud quoque ex principiis veris constituitur, ac proinde omnes, qui ad auri veri productionem adspirant, videant, ut veri auri vera principia sine alienæ naturæ immixtione habeant. Quæ si habuerint, ad optatum finem sunt peruenturi.

*III. Vbi natura (a) desinit, ibi ars incipit.*

(a) In metallicis videlicet coram oculis nostris perfectis corporibus. Sendiuog tract 4. p. 20.

*IV. Ars Hermetis in multis rebus non perficitur.*

Lull. theor. test. c. 18. Arnold. c. 6. lib.

i. Rosari sui. Rosar. phil. p. 206.

Lapis enim vnus, vna medicina, vna materia, vnicum medium, quo perficitur, ut Liuius citante Zach. Gall. p. 76 aperte docet.

*V. Materia arcani esto (a) pura, (b) incorruptibilis, ac proinde (c) incombustibilis.*

(a) Puram esse debere materiam magisterii hæc loquuntur dicta.

Lull. c. 71. theor. test.

E 4

Fili,



Fili, lapis noster nunquam fieri potest, nisi de pura natura.

Arisleus in visione. Citante Ros. phil.

p. 246.

Non assumes naturam, nisi puram, mundam, amœnam, terream, & rectam.

Agadmon. in Turba.

Non ingreditur alienum, neque quippiam, nisi quod sit sincerum.

(b) Incorruptibilis esto lapidis Hermetici materia, quia id, quod omni corruptioni tollendæ destinatum est, nulli corruptioni obnoxium esse, ac proinde ex eo, quod ab omni corruptione alienum est, sumi debet; ut ait autor Dialogi, qui vulgo Lullio adscribitur p. 446. Ex re corruptibili vniuersalis medicina elici non potest: id enim, quod seipsum ab omnibus corruptionibus præseruare nequit, multo minus alienas naturas ab omnibus morbis liberabit. Velle præseruare, ait Lullius, per rem puram, & corruptibilem, & reformati per rem fœdam, & deformitati subiectam, & velle facere incorruptibile per rem corruptibilem & infirmum curare per rem infirmam est phantasticum & inane.

(c) Tinctura non est in corpore combustibili; ait Senior p. 63. Unser Stein der vhrasten wechset nicht aus dingen/ so verbrenlich seyn: Basil. Valent. lib. de phil. lapide p. 4. id est: Noster lapis philosophorum non nascitur ex rebus combustilibus.

*VI. Semen lapidis philosophici ne in elementis querito.*

Ita



Ita Basil. Valent.

Es ist nicht von nöten/dasß du deinen samen in den elementen suchest: denn so weit ist vnser same nicht zu rüek gesetzt / sondern es ist ein nähere statt darinnen vnser same seine gewisse wohnung vnd herberg hat. id est: Non necesse est, vt quæras tuum semen in elementis: Nostrum enim semen non tam longe remotum est, sed alius locus propinquior est, in quo certam & fixam sedem semen habet.

*VII. Materia lapidis philosophici mercurialis est.*

Teruifinus.

Opus nostrum fit ex vna radice & ex duabus substantiis mercurialibus. Hinc philosophi vnanimi consensu approbant hunc decantatissimum versiculum:

*Est in Mercurio quicquid quærunt sapientes:*

*VIII. Nihil alieni ad opus nostrum assu-  
mendum Teruif.*

Itaque id, quod non est Mercurius, ex nostro opere reicitur.

*IX. E Metallis lapis philosophorum con-  
ficitur.*

Hermes lib. de comp. p. 119.

De caernis metallorum lapis occultus est.

Teruifinus mihi p. 16. & 17.

Materia nostra componi debet ex argento viuo, & hoc alibi non reperitur, quam in metallis.

E 5

Para-



Paracels. lib. vexat.

Die ware Alchymey/ die allein lernet von einer Kunst solem oder lunam zu machen von den fünf vnuollkommenen metallen/ gebraucht sich keiner andern recept/ sondern allein von den metallen/ durch die metallen vnd mit den metallen werden/ die vollkommene metallen gemacht. id est: Alchymia vera, quæ vnico tantum artificio lunam aut solem ex quinque metallis fabricare docet, aliud receptum non admittit præter illud, quod sic se habet: solum ex metallis, per metalla, & cum metallis perfecta metalla fiunt.

Basil. Valent. in dem buch von dem grossen Stein der vralten Weisen.

Der same vnseres Steins muß nirgend herfließen/ dann aus einer metallischen Wurzel/ darauff auch die metallen selbst durch den Schöpffer zugebähren verordnet. id est: Semen nostri lapidis aliunde non dimanat, quam ex metallica radice, ex qua, dispensante creatore, ipsa metalla generatur.

*X. E Metallis quidem non omnibus, sed è solis perfectis arcanum Hermetis educitur.*

Hermes citante Ros. phil. p. 295.

*Tinctura debet esse corporea, à corporibus metallicis perfectis extracta per beneficium & medium mineralium.*

Lull. c. 53. theor. test.

*De metallis perfectis humiditatem liquorosam trahes, quia de ipsis venit nostræ perfectionis terminatio, & claritas quinti luminis.*

*Idem c. 56. eiusdem lib.*

Bonus



Bonus artifista metalla pro mediis in opere magisterii capit, & specialiter solem & lunam.

CONSECTARIUM.

*Itaque ex auro & argento lapidem suum philosophi cudunt.*

Aurum enim & argentum sunt perfecta metalla.

Lull. c. 17. theor. test.

Nostra medicina elicita & elucidata est de auro tanquam omnium metallorum preciosissimo.

Ros. phil. mihi p. 234.

Aurum totum est Mercurius, quod pater ex ipsius pondere & facili combinatione cum Mercurio: Ergo in ipso est totalis & radicalis philosophorum intentio & voluntas.

Arnold. lib. 1. Ros. sui c. 5.

Aurum est tinctura rubedinis tingens & transformans omne corpus: Argentum vero est tinctura albedinis perfecta albedine tingens cætera corpora.

ANNOTATIO.

Duo posteriora axiomata de metallis dicentia si proprie intelligi debet, requirunt in fermentatione aurum & argentum: Lapis enim philosophorum non potest per se tingere, nisi tingatur; auro ad aurum, & argento ad argentum: prout perfectionis ipsius ratio id postulat.

Sin vero extra fermentationem aurum & argentum considerantur, non sumuntur proprie, sed improprie. Proprie enim accepta ad lapidis creationem nihil faciunt. Philosophicum enim aurum philosophicumque argentum non sunt metalla mortua,



mortua, sed viua. Quemadmodum ex ouo co-  
cto pullus non nascitur: ita ex auro fuso medicina  
vniuersalis non conficitur. Hinc clara voce philo-  
sophi vnanimiter exclamant, aurum suum non  
esse aurum vulgi; argentum suum non esse argen-  
tum vulgi.

*XI. Ex Sulphure & Mercurio Medicina  
Sophorum producitur.*

Id sic intelligito: Ex Mercurio, cui sulphur pro-  
prium innatum est, lapis philosophorum confit,  
id quod ingenue affirmat Teruifinus, vbi sic ait.  
Mercurio sulphur inclusum est, quando natura  
operatur; verum non dominatur in eo, nisi per  
motum calidum, quo sulphur dictum alteratur,  
& vna simul cum eo qualitates duæ Mercurii. Et  
paulo ante: Mercurio huic in est sulphur fixum &  
incombustibile, quod nostrum opus perficit abs-  
que alia substantia, quam pura substantia Mercu-  
rii. Hinc Geber: In profundo naturæ Mercurii est  
sulphur. Item Morienus & Aros: Nostrum sul-  
phur non est vulgare, sed fixum, & non volatile,  
de natura Mercurii, & non ex alia re quapiam.  
Quemadmodum ergo Sapientes, aio cum vero  
philosopho Philippo à Gabella, aurum vulgare  
non intelligunt: ita quoque nec sulphur, nec  
Mercurium vulgi volunt intelligi. Illorum au-  
rum viuum, subtile & spirituale est: Vulgare no-  
strum densum, durum & fixum est. Mercurius  
illorum est materia prima omnium rerum, &  
sine qua nec M. consistere potest: Mercurius  
vero currens, seu argentum viuum vulgi res est  
metal-



metallica, consistens in proprio semine. Deinde sulphur philosophorum est purum, fixum, album vel rubeum, ignem non fugiens: Vulgare autem est res impura, fœculenta, combustibilis, non fixa, &c. Vnde facile cognoscitur, quæ sit differentia inter aurum philosophorum & errantium: inter sulphur philosophorum & insipientium; inter Mercurium sopherum & ignorantium. Itaque quanta est differentia inter cœlum & terram; tanta est sapientum & sophistarum dissimilitudo. Aurum autem philosophorum est aurum à natura nondum coagulatum & fixatum; nam si hoc esset, ignis artificialis in eo nihil operaretur: & consequenter artifex artificio suo frustraretur. Hæc Philippus à Gabella doctissime & verissime.

*XII. Non est tingendum, nisi cum illis, quibus virtus inest tingendi.* Ros. phil. p. 302.

Iam vero virtus tingendi inest auro & argento: Hæc enim ea virtute tincta sunt: Tinge ergo auro & argento: quia aurum aureum; argentum argenteum tribuit colorem. Ita ait idem autor citato loco. Fermentationi axioma datum applicabis, & intelliges.

*XIII. Materia eadem est artis nostræ supra terram, quæ est metallorum in terra.*

Teruis. p. 33. Zach. Gall. p. 92. 93. 94. & 98. Lull. c. 17. theor. test.

Itaque cum, testibus philosophis, ut Teruisino p. 18. 20. 22. & 26. Zach. Gall. p. 79. Lullio, citato loco,



loco, sulphur & argentum viuum sint vera materia metallorum, eadem quoque nostræ artis vera materia erunt. Quid autem per sulphur & argentum viuum seu Mercurium philosophi intelligant, abunde ex II. axioma huius capituli paulo ante percepisti.

*XIV. Ars nullum creat sperma.*

Sendiuog. tract. II.

Scito te nihil creare posse, quod solius Dei proprium est, sed res occultas in umbra latentes facere apparentes, & umbram ab ipsis tollere, hoc philosopho intelligenti à Deo per naturam concessum est.

Guilielm. Parisiensis citante

Teruis. p. 25.

Creare spermata non est artis: at postquam à natura creata sunt, tum demum ars per solam virtutem naturalem existentem in spermaticis materiis iam à natura creatis, coniungendo, veluti naturæ minister succurrit ipsi rei quidem existenti, sed nondum perfectæ.

Basil. Valent. De magno mundi arcano mihi p. 217.

Homo non potest nouum semen formare, sed tantum semen natura formatum propagare & multiplicare ex arte nouit.

Teruis. Alchy. p. 26.

Frustra ager colitur, nisi adsit materia creata per naturam, scilicet frumenti granum.

*XV. Id quod vis metere, illud seminabis.*

Quæ enim seminas, ea etiam metes: Ros. phil.

p. 315.



p. 315. Ergo si sterco, ait idem Ros. p. 313. seminās, merdā & metes. Quare non est mirum, quod vix vnus inter mille aut nullus de talibus perficit. Semina aurum & argentum, & afferent tibi fructum millesimum cum labore tuo, mediante natura. Aurum & argentum vulgaria hic ne intellige. Illud enim aurum est ad nostram artem assumendum, quod in ipsa operatione moritur, & ex ipsa morte sua propria virtute in eminentem & præstantem naturam resurgit. Quod vero moritur, antea viuū sit necesse est. Aurum ergo Sophorum non est aurum vulgi, quia hoc nō mortuum est: sed viuū; Quod necessario seminandum fuerit, si viuū aurum, quo omnium rerum imperfectiones in perfectionem transformari debent, à nobis meti debet.

*XVI. Simile generatur ex simili.* Vide Ros. phil. p. 266. & 318. Basil. Valent. de lapide p. 4. & in 12. clauē.

Sic ex homine homo, ex leone leo, ex auro aurum, & ex argento argentum nascitur.

*XVII. Ea, quæ in nostrum magisterium intrant, radicaliter inter se commiscuntur.* Confer Teruis. p. 34.

Sic sulphur nostrum Mercurio nostro naturæ beneficio radicaliter cōmixtum est, vt debito administrato igne, ex eo lapis sophorū producat.

## CAPVT III.

## DE PRÆPARATIONE MATERIÆ.

I. **O**Mne, quod densum & durum est, oportet conteri, vt subtilissimum fiat & penetratiuum. Auror. Consurg. p. 233.



Arnold. citante Dorneo p.131.

Non pigeat vos cruciare & corrumpere corpus terendo & imbibendo, donec aquam extraxeritis, ac corpus tenue factum sit ac impalpabile.

Auicenna c.3. tract. sui p.415.

Patiens sis, coque, tere, & incera, & non tædeat te hoc multoties reiterare. Arnold. confer e. 3. lib. 2. Rosarii sui.

Afcanius in Turba.

Cum corpus diligenter teritur, ex eo munda anima ac spiritualis & sublimis extrahitur.

Calid.

Nisi corpora conuerteritis in subtilitatem, ut sint impalpabilia tactui, non dirigitur vobis, quod quæritis. Et si trita non fuerint, ad operationem reuertimini, quousque terantur & fiant subtilia. Quod si feceritis, vobis, quod optatis, derigetur.

II. *Quanto magis teris, tanto magis molificas, & partes grossas subtilias, donec satis existat: Auicenna tract. sui c.3. Arnold. lib. 2. Ros. c.3.*

III. *Quæ imbibuntur, per aquam mollicantur. Auicenna & Arnold. citatis locis.*

#### CAPVT. IV.

#### DE CREATIONE LAPIDIS.

I. *Corporum in argentum viuum reductio est artis fundamentum. Arnold. Floris florum p.479.*

*Hæc reductio appllari solet solutio, qua corpus*  
seu



DE AXIOMAT. HERMET. 81  
seu sulphur nostrum Mercurio nostro inclusum  
soluitur. Quod dum fit, argentum viuum seu Mer-  
curius noster coagulatur.

Arnold. c. 9. lib. 1. Ros. p. 402.

Necesse habes, quicumque vis operari, vt in so-  
lutione & sublimatione duorum luminarium pri-  
mo labores, quia primus gradus est, vt argentum  
uiuum fiat ex ipsis.

Scala phil. pag. 131.

Soluere corpus & congelare spiritus est opus  
nostrum primum.

*II. Solutio philosophica requirit permanen-  
tiam simul soluentis & soluti.* Teruis, ad  
Thomam de Bononia.

Itaque 1. fatui sunt, qui metalla aquis fortibus  
soluunt: hæ enim à metallis separantur, & non  
fiunt vna homogenea essentia cum eis. Errant, ait  
Lull lib. de transmutatione animæ, arbitantes,  
corpora metallorum fortibus communibus a-  
quis, & aquis contra naturam reduci in materiam  
primam. Similiter Sendiuog. tract 6. p 28. in re-  
generatione, ait, metallorum sinistre proceditur  
à vulgaribus chymicis: Corpora metallica sol-  
uunt siue Mercurium, siue aurum, siue Saturnum,  
siue Lunam & corrodunt illa aquis fortibus, aliis  
rebus heterogeneis ad veram artem non requi-  
sitis; postea coniungunt & simul cogunt, nescien-  
tes, quod ex corpore humano dissecto non gene-  
ratur homo; quia corruptio corporis & seminis  
destructio hoc pacto præcessit.

2. Errant, qui ignem excessiuum, quo humor  
F noster



noster soluens à corpore discedit, in soluendo  
adhibent.

III. *Nisi semen resoluatur calido vapore,  
nullius est usus.* Sendiuog. tract. 6. p. 25.

IV. *Terra fructum non gerit absque fre-  
quenti irrigatione.* Rosar. phil. p. 336. Au-  
cenn. p. 420. Arist. chym. p. 370. Confer  
Scal. phil. p. 444.

Democritus citante Dorneo p. 171.

Si vaporem siccum humido vapore irrigaueris,  
diuinum opus efficies.

V. *Irrigatio fiat aqua consanguinea.*

Consanguinea enim, ait Parmenides, consan-  
guineis in arte nostra iunguntur: & poëta quidam  
sic canit:

*Semine natali postquam se iunximus ossa;*

*Hæc consanguinea deinde lauamus aqua.*

Quare philosophi, docete autore Auroræ con-  
surg. p. 131. granum suum humore connaturali  
nutrire volunt, donec vegetetur & fructum affe-  
rat talem, qualem intrinsecus habet, & volunt  
viuificare illud, quod mortuum est, à forma me-  
tallina, quousq; fusionem metallicam perfectam  
præstet.

VI. *Omne siccum naturaliter appetit bibere  
suum humidum: ut in suis partibus sit conti-  
nuatum.* Ros. phil. p. 298. Aristot. Chym. p.  
368. Arnold. c. 14. lib. 2. Ros.

Huc refer illud Aristotelis chymici: Coque sic-  
cum terræ nigræ cum humido aquæ suæ, donec  
siccum



siccum bibat humidum, & totum habebis magisterium.

VII. *Quoties cinerem imbuitis, toties ipsum siccari, & rursum humectari oportet, donec eius color in id quod queritur, vertatur. Ardar. in Turb.*

VIII. *Omne semen per se nullius est momenti, nisi ponatur vel ab arte, vel à natura in matricem debitam. Sendiuog. tract. 8.*

Sic sperma viri non prodest, nisi in matricem mulieris proiciatur. Arnold. flor. flor. p. 474.

IX. *Calor agens in humido nigredinem, in sicco albedinem, in albo citrinitatem generat. Arnold. c. 5. lib. 1. Ros. sui. & c. 4. lib. 2. eiusdem Ros.*

X. *Ignis noster esto (a) aequalis, (b) blandus, temperatus, lentissimus, (c) continuus, (d) humidus, (e) albus, (f) calidus, repidus, (g) circumiens, clarus, clausus, penetrans, vivus, incomburens, & esto is (h) duntaxat, quo natura vitatur.*

(a) Ros. phil. p. 226. Morien. p. 42. Scala phil. p. 142. (b) iisdem locis & Ros. phil. p. 260. (c) Teruis. Alchy. p. 35. & 36. Scala phil. dicto loco (d) Teruis sinus p. 37. Rosar. phil. p. 226. (e) Rosin. p. 256. Ros. phil. p. 226. (f) Ros. phil. iam dicta pagina. Teruis. p. 37. (g) Teruis. p. 36. vbi & ceteræ ignis proprietates, quæ in axioma subiiciuntur, recensentur. (h) Teruisinus p. 35.



*XI. Omnes operationes nostra fiunt in uno vase præter amotionem ab igne. Vide Zach. Gall. p. 85. & 86.*

Ioan. Austri philosophus in ludo  
Puer. p. 178.

Sufficit tibi lapidem in nostro vase semel ponere, & claudere, quousque totum completur magisterium. Quod autem amplius est, à malo est.

Dionys. Zach. Gall. p. 87.

Vnicus est operandi modus in vnico vase, in vnica fornacula (quam Teruissinus ignem clausum, humidum, vaporosum, continuum, & digerentem vocat) præter amotionem, donec decoctio compleatur.

*XII. Vas diligenter & fortiter claudendum est. Pandulph. Ardarius; Afflictus in Turba.*

Idque faciendum duabus de causis.

*I. Ne aqua inde exeat, & sic magisterium nostrum destruat.*

Morsoleus in Turba.

Vas vndique obturetur, ne corpus æris & spiritus eius fugiens inde extrahatur.

Clangor Buccinæ p. 501.

Ideo requiritur vas sigillatum sigillo Hermetis: quia si vas in nostra arte non esset clausum ad inclusionem spiritus, tota vis exhalaret: Sicut in generatione metalli: quia si fumus, ex quo metallum



rallum in terra generatur, inueniret locum aper-  
tum, abiret in auras, & nullum generaret metal-  
lum.

Ros. phil. p. 213.

Ideo philosophi iusserunt claudere os vasis, ne  
aqua benedicta nostra exhalaret, sed defenderet  
a combustione hoc, quod in vase est.

2. *Ne aliquid alieni inferatur.*

Balg. in Turba.

Claude domum, ne ventus aut puluis ad eos  
perueniat.

XIII. *Vide tunc vas aperias, donec totum*  
*humidum terminetur & finiatur.* Lull, c. 25.  
theor. test. p. 44.

CAPUT V.

DE MULTIPLICATIONE.

I. **Q**uanto magis materia erit debite præ-  
parata & subtiliata, tanto magis vir-  
tutes nature superioris obtinebit & in se retine-  
bit. Lull, c. 84. theor. test. & c. 32. pract.  
test. Confer item Clangor. Buccinæ p.  
502.

II. *Æs humore inspirato vitam suscipit,*  
*multiplicatur, & augmentatur, ut ceteræ res.*  
Bonell. in Turba.

F 3

III. Quan-



III. *Quanto magis nutritur lapis, tanto magis augmentatur. Semitæ semitæ p. 442.*

Nutritur lapis lacte suo, id est, spermate, ex quo fuit ab initio: imbibitur autem argentum viuum sæpius, quousque sufficiat. Ibidem.

AXIOMATVM HERMETICORVM  
FINIS.

*Soli Deo sit sempiterna gloria,  
A M E N.*



HER-





# HERMETICÆ SOPHIÆ

*Tractatus quintus; qui est*  
DE GENERATIONE RE-  
RVM NATVRALIVM.

## P R Æ F A T I O.

**G**enerationem rerum naturalium ex lumine naturæ scripturus ingenue fateor, me non ex Sophistarum libris hac in doctrina vnquam profecisse, neque ex iis aliquid accepturum: Non enim penes illos veritas est, sed maxuma cecitas nixa & stabilita vanis hominum vanorum opinionibus, & contentionibus, quibus veluti limitibus vulgus sapientiam circumscribit & metitur. Vt bello homines perimuntur: Ita altercando veritas amittitur: siquidem dum de rerum natura disputant, alter alterius non sine magna arrogantia, qua quisque sophiam sibi arrogat, opinionem insectari & refellere an-



nititur: Atque hinc à vero fundamen-  
to discedūt, & in inextricabilem labyrin-  
thum fixis principiis munitum dilabun-  
tur, vt quis alius inde irretitus se ex eius-  
modi tricis difficulter expedire queat.  
Missis, inquam, his nugis, recta ad arcem  
sophiæ ductu luminis naturæ possiden-  
dam accedemus, atque ex solius naturæ  
contemplatione, diuina fauente gratia,  
generationem rerum describemus, vt in-  
de nostri cognitionem certissimam non so-  
lum nobis comparemus, sed etiam disca-  
mus, meditemurque viam, qua ex per-  
fectis corporibus medicinam morbis no-  
strorum corporum expellendis sufficien-  
tissimam eruamus & producamus: Quē-  
admodum enim homo, frumentum, her-  
ba, quodque è suo semine nascitur: ita  
eodem modo vera antiquorum philoso-  
phorum medicina, qua non datur vlla  
præstantior, ex perfectissimis corporibus  
& essentiis generatur. Non ergo limis o-  
culis & obiter intueri, quod tibi sum pro-  
posui-



positurus, sed arbitrare, hanc doctrinam tibi fore vtilissimam, vtpote cuius ductu ad mineralium, vegetabilium & animalium cognitionem, & metallica medicina inuentionem felicissimo veluti tramite proueharis.

Vt igitur exordiar, scias generationem rerum esse duplicem: Ordinariam & Extraordinariam.

Extraordinaria est, qua dissimile ex dissimili nascitur. Vt mures, qui ex fimo à sole generantur. Dicitur alias generatio æquiuoca.

Ordinaria generatio est, qua simile ex simili producitur: vt ex homine homo, ex leone leo.

Appellatur alias uniuoca.

Hanc quindecim propositionibus includam.

I.

Omne quod generatur, è suo (a) semine in propria (b) matrice nascitur.

(a) Semen est corpus spirituale, ex quo inclusus spiritus nutrimentum aliunde attrahens in propria

F

5

propria



propria matrice corpus viuum cum multiplici semine protrudit. Spiritus hic quibusdam philosophis *νεψος* *ἐξοχὴν* semen appellatur: corpus vero, in quo est sperma. Sed de vocibus nulli litem mouebo; cum de re inter nos constet. Spiritus hic feminalis est subtilissima feminis essentia, per naturam è corpore exaltata, atq; in se totius corporis vires eminenter complectens, & præterea vim feminalem, qua corpus in specie sua propagari & multiplicari possit.

(b) Omne semen per se nullius est momenti, nisi ponatur vel ab arte vel à natura in matricem debitam: Sendiuog. tract. 8. Matrix debita est, quo cuiq; semini in suo regno respondet: ac proinde semen minerale mineralem, animale animale, & vegetabile vegetabilem matricem poscit. Matrices hæc probe discernendæ sunt, ne in grandem errorem prolabamur.

## II.

*Semen nullum artificio aliquo per ignem vulgarem operante extra vasa naturalia producitur.*

Id quod ipsa docet natura: Quis enim vnquam putauerit, quod semen hominis extra sedem genitalium; semen pomi extra pomum, semen tritici extra aristas elaborari possit. Si quis vellet semen tritici in vasa chymica conicere, illudq; vario modo digerere & coquere, non posset inde stipulam producere, per quam aliud triticum producat: Frustra ergo omnes operantur ii, qui ex auto in vasis chymicis semen elicere moliuntur, atque non cogitant, semini cuique matricem genuinam & propriam in suo regno respondere, non

arti-



DE GENERATIONE RER. NATVR. 91  
artificiosum aliquod vasculum, quod ipsa natura  
respuit. Si vero, Deo concedente, semen natura  
creatum, & matricem itidem natura elaboratam  
habueris, semenque in illam per naturam iniecitū  
cognoueris, atque deinceps igne conuenientissi-  
mo coxeris, nihil deerit, quin id, quod optas, sis  
consecuturus.

III.

*Vniuersalis fœtus ex vniuersali semine est.*

Fœtus hic dicitur vniuersalis, qui singulis re-  
gnis, tam vegetabili & animali, quam minerali re-  
gno prodesse, perfectionemque suppeditare po-  
tis est. Itaque ex eo semine vniuersalis fœtus nasci  
debet, quod similiter singulis corporibus sub istis  
tribus regnis suam impertiat vtilitatem & perfo-  
ctionem. Errant ergo longe, qui ex fonte par-  
ticulari, vt vel ex minerali, vel ex vegetabili, vel ex  
animali corpore vniuersalem medicinam eruere  
attendant.

IV.

*Vt vero perfectum quid nascatur, semen pu-  
trescat & nutriatur necesse est.*

Amen, Amen dico vobis, nisi granum tri-  
tici in terram proiciatur, & moriatur, solum ma-  
net: sin vero emoritur, centuplum affert fru-  
ctum; ait Christus Ioan. 12. Nulla res potest ani-  
mari & nasci nisi per sui corruptionem, putrefa-  
ctionem ac mortificationē: Lull. c. 27. theor. test.  
mihi p. 51. b. Rosar. phil. mihi p. 254. Nisi ergo, ait  
Parmenides, corpus diruatur, cōstringatur, putre-  
scat & conuertatur in substantia substantiali, nō po-  
test illa virtus occulta extrahi, nec corpori misceri.

V. Pu-



*Putrescit semen, quando (a) Saleiusdem natura in (b) humore conuenienti resolutum seminis substantiam, promouente calore tenui (c) penetrat, resoluit & subtiliat, ut spiritus inclusus ex subiecta materia sibi (d) domicilium conueniens, in quo suae naturae propagationem & seminis multiplicationem operari possit, fabricet.*

(a) Itaque semen minerale ad sui putrefactionem saleem & humorem mineralē, vegetabile salē & humorem vegetabilem (qui est communis aqua sale terrae imprægnata) animale saleem & humorem animalē (qui est sanguis matricis sale ditatus) requirit. Ex his facile intelligi potest illud Basilii Valentini, acutissimi philosophi, quod lib. de magno mundi mysterio & ipsius medicina adducit, ubi hæc verba fatetur: *Metalla & mineralia iterum per mineralia confringi oportet.* Vbi tamen in vnoquoque genere species discernendæ sunt: nam vnaquæque species suæ speciei se coniungit, & semen commiscet, nisi monstrum habere velis. Itaque ut simile simile generet, canis cum cane, leo cum leone, homo cum homine coeunt, & semina miscent. Quare Moses ait, vnumquodque animal è terra secundum suum genus creatum esse.

(b) Sine humore elementi aquæ, ait Basilus in octaua clauē, vera putrefactio fieri nequit: Nam humor est verum organum, quo sal soluens intimos seminis recessus adeat & aperiat: siquidem quando calore debito humor subtiliatur, & excoquitur, salis portio etiam in eo attenuatur, atque idonea redditur & digna, quæ facile, com-



compactissimum seminis corpus permeet, sibi-  
que similem salis spiritum in semine delitescen-  
tem & quiescentem suscitet, atque ad vegetatio-  
nem promoueat.

(c) Liber spiritus spiritum eiusdem naturæ  
vinctum & constrictum facillime expedire & vin-  
culis exuere potest: iique fit 1. ratione actiuitatis,  
qua liber spiritus pollet: 2. ratione similitudinis:  
ab hac enim habet, vt cum spiritu salis corporis  
coniungatur, ac proinde suas vires in ipsum faci-  
lius exercere queat: Simile enim simili facile affo-  
ciatur, & intime vnitur. Iam sciendum est, om-  
nem spiritum in humore solutum esse liberum. Vnde  
calore mediante spiritum similem carcere corpo-  
ris compactum & constrictum (tanquam eum,  
qui liberationem sui anhelat, atque ad actiuitatem  
seu actum efficaciter operandi adspirat, instar ma-  
gnetis, penetrato corpore, attrahit, se, dum eum  
sibi adiungit, corroborat, & hac ratione ad a-  
gendum inflammat, non aliter ac si ignis ab i-  
gne accendatur, vt ita corpus necessario mutetur,  
& putrescat ab ipso spiritu, cuius actio antea ligata  
erat: spiritus enim ille conclusus, dum ab altero li-  
bero spiritu actum volatilem acquirit, foras niti-  
tur, atque ideo suum subiectum confringit, & fa-  
cit, vt aliud corpus inde nascatur. Sic quando spi-  
ritus salis terræ in humore terræ immixto resolu-  
tur: (*Omne sal in humore proprio liquefit & sol-  
uitur*) spiritus ille est liber: siquidem omne sal in  
humore liquatum est actiuum. Hinc granum tri-  
tici in terram prosemminatum, cuius corpore ve-  
luti arctissimo compede spiritus salis vegetabilis  
continetur ligatus, ab eo libero spiritu penetra-  
tur



tur & aperitur, vt sal in aqua resolutum spiritum vegetabilem è tritico ad actiuitatem & vegetationem excitet, & radicis substantiam, vnde reliqua substantia post generanda nutrimentum è terræ sinu communicetur, ante omnia in matrice propria producat. *Notandum hoc in loco est*, sal, quod poros corporis aperit, aliquando esse debile, aliquando forte. Debile si fuerit, sal eiusdem naturæ cum semine est corroborandum, & humor, qui sal debile in se habet, eo imprægnandus, vt naturæ conuenientior & efficacior fiat solutio. Inspiciamus generationem tritici. Pluuiæ inest sal volatile ex resolutione in terra facta. Verum cum sal illud propter terræ siccitatem nimiam solutioni fecundiori non sit sufficiens, agricolæ agros firmis, in quibus sal eiusdem naturæ cum tritico est, (Fimus enim est ex stramine, stramen ex tritico, ex quo nascitur) impinguant, vt pluuia descendens & humor terræ se immiscens ex terra & fimo sal exugat nitro sulphureum, quo confortatur, sibi que adiungat, & subtilius frumentum ad inferendam fecunditatem & abundantiam frugum soluat.

(d) Cum vis seminalis in intimis seminis recessibus lateat, atque in subtilissima salis sulphurei portione consistat, non potest euehi & multiplicari, nisi in humore maxime subtili ac puro. Verum quia semen non subtilem humorem primo ex locis, vnde ei nutrimentum subministratur, haurit, natura ante omnia tenetur formare instrumenta, in quibus humor ex elementis assumptus digeratur, subtilietur, & summe purgetur, vt purissimam seminis essentiam ex producto corpore proli-



DE GENERATIONE RER. NATVR. 95

proliciat, atq; eam ad speciei conseruationem & multiplicationem adducat. Qua de causa natura prouida ex herbaceo semine radicem, interueniente putrefactione, primum format, & deinde herbam foras protrudit, eamque multis articulis interdistinguit, vt sub initiū in radice & deinceps in herba progerminante & absoluta humor ex terra, cui semen iniectum est, haustus magis magisque dirigatur, & ex radice vim seminalē ad oram propellat supremam, quo tandem matrice materiae seminalis formata, subsidio calore solis semē perfectissimum & propagandae speciei aptissimū colligatur. Sciendum vero hic est, saepe euenire, vt, quamuis natura seminalium progressum instrumenta & vehicula ex semine formauerit & perfecit, ea tamen corpora, quae eiusmodi organis instructa sunt, non fundant semen, idque fieri eā ob causam, quia pori corporis, per quos vis spermatica eleuari & ad superficiem extrudi debet, citius productione seminis per externum frigus, vel salis insiti fixi exaltatam fortitudinem contipantur, vt semen vel haud maturarescat, vel penitus reprimatur. Id quod videre est in pomorum Arantiorum arboribus, quae quidem hic instar aliarum arborum crescunt plantatae; sed tamen in his frigidioribus locis nō ferunt fructus; nisi externo & conuenienti calore per hyemem foueantur: id quod in Illustrissimi & Potentissimi Principis Dn. Mauritii Hassiae Landgrauii, Domini mei Clementissimi Paradiso, qui est Cassellis, fieri solet, ubi arbores pomorum dictorum per totam hyemem calore artificioso reguntur & fouentur, vt ipsarum fructus maturescere possint, Idem quoque in



in philosophorum magisterio obseruare est, vbi, si aurum philosophorum natura creatum & verum viuum per se in macrocosmo relinquitur, & nostro solo natiuo concreditur, aurum sapientum nihil ferre solet fructuum, neque multiplicationem admittit: sin vero externo, humido, circueunte, alterate, & tenui calore in duplici, vel etiam triplici vase aurum nostrum, quod est ipse Solis calor, coquitur, & digeritur, fructus fert præstantissimos, & vberremos, qui tam mineralibus, quam vegetabilibus & animalibus summo sunt solatio, exquisitamque perfectionem subministrant.

## VI.

*Humor, qui putrefactione inseruit, esto corpori putrescenti proportionalis.*

Et secundum quantitatem, & secundum receptiuitatem. Tum vero humor secundum quantitatem est corpori putrescenti proportionalis, quando tantum humoris à corpore recipitur, quantum subtiliationi eius sufficit. Secundum receptiuitatem vero seu modum receptionis, quando humor non subito, sed paulatim à corpore seminali bibitur & assumitur: subita enim humoris imbibitio conuenienter viuificare nequit, sed facit, ut quædam partes corporis insufficienter propter subitum ingtessum soluantur. Hinc ex tritico nascitur lolium. Quare philosophi volunt, artis filios terram nostram irrigare cum longa mora & nimia attritione.

## VII.

*Calor, qui putrefactionem promouet, ita lenis esto, ut humor, in quo sal resoluens est, in materia per-*



*permaneat, & ab ea haud recedat.*

Idque fit duabus de causis 1. quia in huiusmo-  
di humore putrescens materia vitam accipit. 2.  
quia calor lenis salem ex humore in materiam  
qualem dispergit, vt commodè corpus putrescat. Si vero  
excessiuo & adurenti calore humor pelleretur,  
materia combureretur & destrueretur, ita vt nec a-  
nimari, nec naturæ conuenienter putrescere pos-  
set, ac proinde ex materia secundum naturam ni-  
hil generaretur. Arrige aures, Pamphile.

## VIII.

*Matrix esto clausa, quando semen impositum*

Necesse enim est, vt circumquaq; semen con-  
cludatur, atque hac ratione vndique vires suas in il-  
lud diffundat. Ita tamen claudatur matrix, vt ex  
hummento aquæ humori, quo nutriatur, & ex igne  
calori, quo foueatur, concedatur aditus. Sic ma-  
trix fœtus humani cluaditur, vt sanguini, quo nu-  
tritur, & calori ex sole humano prodeunti, quo  
pouetur, ingressus permittatur. Si autem accidit,  
vt semen aliquod sufficientissimo humore refer-  
tum inueniatur, atque ideo non opus habeat ad-  
ditiōis aliquo humore, arctissime matrix con-  
cluditur, vt tantum externo incomburenti calori  
aditus pateat, id quod in lapidis philosophici ma-  
trix philosophi obseruari volunt: Lapis e-  
nim ipsis seipsum dicitur occidere, & renificare,  
omninoque quibus indiget, in se continere. Vnde  
philosophi illud arcanum Phœnicem & Salaman-  
dam vocarunt. Si habes aures audiendi, audias.

G

IX. Ema-



*E Matrice, in qua putrefactio inchoata est, putrescens non amouetur, usque dum id, quod intenditur, absolutum fuerit.*

Itaque si ex grano tritici multa grana colligere volumus, illud in terra usque in tempus ordinariæ messis relinquimus, & deinceps maturas metimus aristas. Semina non oportet metere, ait A. uicenna mihi p. 424. donec tempus messis aduenierit.

## X

*Matrix, quo purior fuerit, eo constantior & perfectior foetus in ea generabitur.*

Pura enim matrix purum dabit fructum; ait Sendiuogius doctissimus tract. 8. Quo vero quid purius, eo durabilius & perfectius est in suo genere: Vt contra, quo quid impurius, eo imperfectius & inconstantius est, ac proinde impura, quæ foetum impurum profert, necessario foetum fragilem producit. Quod cum in omni genere deprehendatur, homines naturæ succurrere volentes matricem impuram, ubicunq; eam offenderunt, expurgare attentauerunt. Vnde ipsa experientia sapientum consilio exorta docuit, impuritates & peregrinas naturas, quibus conceptio & generatio foetus in matrice impeditur, vel artis naturam natura (quando ad impuritatum segregationem corroboratio opus est) iuuantis ingenio, vel nuda euulsione & reiectione (quando iam ante à matrice exclusæ & separatæ sola mole sunt impedimento, ne matrix concipere & debite semen fouere possit) esse tollendas & reuellendas. Id quod



DE GENERATIONE RER. NATVR. 99

quod Agricultura nobis ad oculum demonstrat: ibi enim sal agri sale fimi sulphureo & pingui corroboratur, lapides, qui mole sua agrum sterilem & incultum reddunt, eiiciuntur & cardui extirpantur, ut matrix frugum nomen fecundi agri reportare possit. Idem philosophi in suo magisterio faciunt: Ex agro enim suo, cui natura semen illud eminentissimum insitum est, alienas naturas præparando separant, feces terreas reiciunt, atque matricem in incorruptibilitatis statum ea ratione deducunt; Quo facto, matricem cum semine firmissimè sigillo Hermetis claudunt, atque in ea semen in nobilissimam medicinam, mediante digestionem, conformant: ubi id, quod natura natum est, altera vice regeneratur, atque in longe eminentiorem statum prouehitur.

XI.

*Matrix ea vere idonea est, que facilem semini permittit ingressum.*

Id est, quæ semen facile recipit, nec clausura sua est impedimento, ut semen introeat. Vbi sciendum, quando duritie matrix claudatur & sterile scit, matricem sepe mouendo aperiri & reddi porosam, ut semini concipiendo fiat apta. Sic agros induratos arando, occando & glebas dissecando renouamus, & rarefacimus, ut frumenti semen facilius ab agro admittatur, & fecundiorum suarum speciei multiplicationem fundat.

XII.

*E corpore, quod vel alienis naturis destruitur, vel cuius vas spermaticum vi rescinditur, semen haberi nequit.*

G 2

Sic



Sic haud aliquid commodi reportarent, qui semen ex corpore hominis per aquas fortes euerso & grauibus morbis deformato eruere conarentur. Eunuchus, quia eius membra genitalia excisa sunt, suam speciem propagare nequit. Sciant, ait ingeniosissimus Sendiuogius tract. 7. artis filii, in arboribus amputatis frustra semen quæri, quod solummodo in viridibus reperitur. Attende fili artis, & sequere philosophos.

## XIII.

*Corpus, quod vnius generis nutrimento conseruatur, eo, quod diuerso & multiplici nutrimento sustentatur, est durabilius, perfectiusque & constantius semen emittit.*

Quo enim aliquid ad vnitatem propius accedit, eo est durabilius: in vnitatem enim nulla est diuifio. Vbi nulla diuifio, ibi nulla corruptio: corruptio enim omnis per diuifionem perficitur. Vbi nulla corruptio, ibi conseruationis perpetuitas. Itaque quod vnitati vicinius est, longius conseruatur, quam id, quod est ab ea remotius: Minor enim in illo diuifio; in hoc maior. Quo vero quid durabilius est, eo firmiter & perseuerantius semen è se protrudit.

## XIV.

*Mas & femina, quorum natura & complexionem similis substantia produci debet, sumpto eiusdem originis & nature.*

Sic homo hominem, equus equum generat, quia sunt eiusdem nature. Si vero accidit, ut equus cum asina coeat, non equum nec asinum, sed mulum generant. Philosophi hoc ipsum ponderantes,



DE GENERATIONE RER. NATVR. IOI  
res substantias vnius radicis, originis & essentia  
& nobilissimæ medicinæ præparationem eligunt,  
atque ex iis tincturam perfectissimam elaborant,  
qua quælibet corpora in perfectionem capacem  
facile cum omnium admiratione tingantur.

XV.

*Id quod vis naturaliter in conuenienti ma-  
trice produci, illud idem seminabis.*

Ita ait autor Rosarii: id quod vis metere, illud  
seminabis. Si ergo tincturam auream expetis, vi-  
de vt eandem semines. Agnosces hinc errorem  
eorum, qui aurum seminant, & tamen eius tinctu-  
ram inde colligere intendunt. Huiusmodi sophi-  
stæ imitantur eos, qui arborem excisam & arefa-  
ctam seminare volunt, vt hinc semen arboris ha-  
beant.

CONCLUSIO AD LECTOREM.

Hæc est breuis & solida generationis doctrina:  
Quam si Sophistæ intelligerent, non vsque adeo  
derisui & despectui haberent scientiam Hermetis  
eminentissimam: Quam qui possidet. vere & sa-  
piëntia & opibus diues est. Id vero hic sub finē mo-  
nere lubet, ne candidus Lector, vbi in meis libris  
in Sophistas calamū stringo, arbitretur, me loqui  
de omnib. medicis & philosophis medicinā & phi-  
losophiā in Academiis profitētibus, sed tantum de  
iis, qui falsis & fictis principiis innixi & autoritate  
aliorum fascinati omnem veritatē in vno Galeno  
& Aristotele nobis fuisse relictā opinantur, Gale-  
nicæ medicinæ imperfectionem & Aristotelicos  
in dogmatibus physicis errores pertinaciter de-  
G 3 fendunt,



ferunt, ac ex praua animi dispositione, infantili-  
que ignorantia sanam HERMETIS sapientiam  
reiciunt, aliosque studiosos ingenio subtili pol-  
lentes suis miscellis ratiunculis à tam saluberrimo  
& omnium præstantissimo studio deterrent. Hos,  
inquam, mea scripta feriunt, & sophistas esse in-  
genue testantur & probant. Vale, Benigne le-  
ctor, & mihi tibi bene cupienti faue.

TRACTATVS DE RERVM NATV-  
lium Generatione

FINIS.

*Vni Deo sit laus & gloria in æternum.*

*AMEN.*



HER-





# PHILOSOPHIÆ HERMETICÆ

*Tractatus sextus, qui est*  
DE REGENERATIONE.

*Auctore*  
HENRICO NOLLIO.

P RÆ F A T I O.

**R**egeneratio est omnium arcanorum mater, fons & ianua: ac proinde merito exquisita eius declaratio à me iam instituitur. Sed ne ambiguitate vocis in errorem prolaboris, scias quatuor esse vocis REGENERATIONIS significationes. 1. idem est, quod Renouatio, qua corpus pellem antiquam exuit, nouamque ex balsami alicuius conuenientis assumptione induit. De hac agitur in sequenti tractatu. 2. Est sacra actio, qua in sacrosancto baptismo homo ad piam vitam renascitur, & peccatis exuitur, ut in Chri-

G 4 sto in



*sto in posterum uiuat. 3. Est emortuorum  
humanorum corporum ad vitam perpe-  
tuam in extremo iudicio diuina reductio.  
Vtrasque has significationes Theologia si-  
bi vendicat. 4. Seminis nati iterata ge-  
neratio est. Hæc huius loci est.*

*1. REGENERATIO est rei natura auxi-  
lio nata altera secundum naturæ viam genera-  
tio propter multiplicationem.*

Notanda est hæc definitio: siquidem in vere philosophica regeneratione nihil contra naturam tentandum est, sed omnia ad modum naturæ peragenda, vt vel hinc scias philosophos non abs- re iussisse artis filios in omnibus imitari naturam.

## CANONES.

### I.

*Id quod secundum naturæ viam renasci po-  
test, est semen naturæ beneficio suam habens  
substantiam.*

Id enim, quod renascitur, renascitur, vt suæ naturæ multiplicatione speciem propaget. Huius- modi vero nihil est aliud, quam semen: in semine enim debere fieri cuiusque speciei multiplicatio- nem sacra scriptura aperte i. cap. Geneseos docet.

### II.

*Semen non renascitur, nisi in propria matri-  
ce.*

*Si secundum naturæ viam regeneratio institu-  
enda*



enda est, semen etiam matricem propriam habebit: siquidem omne corpus, quod nascitur, è suo semine in propria matrice nascitur. Quare minerale semen mineralem, vegetabile vegetabilem & animale animale matricem requirit.

## III.

*Propria seminis matrix est, non in qua nascitur, sed in qua natura sua conuenienter ad multiplicationem sui prouehitur.*

Matrix enim non est otiosum aliquod domicilium, sed viuis spiritibus imprægnatus ager in semine per putrefactionem multiplicationem efficit. Vbi ergo semen putrescere nequit, ibi in multiplicationem, specieiue propagationem nec generatur, nec regeneratur, vel si mauis, ita me intellige; Semen duplici ratione nascitur, vel vt semen sit, vel, vt multiplicetur. Si nascitur, vt sit semen, matrix eius est vas à corpore viuo, quod ex eodem semine natum est, dependens, & liquor vi seminali è corpore assumpta imprægnatum; aliis in vasis corporis antea quodammodo digestum, atque in ipsum mirabile destillatione delatum, in semen perfectum, calore congruo promouente, concoquens. Sic matrix seminis humani est vas genitale, duobus interstinctum testibus: in eo enim sanguis superfluous per renes destillatus, atque omnium partium corporis viribus imprægnatus decoquitur, & in sperma hominis perfectu digeritur. Vt vero per semen speciei propagatio, & multiplicatio seminis introducatur, matrix seminis tam est vas non congelationi seminis, sed resolutioni eius in vltiorem perfectionem



tionem destinatum. Sic uterus fœminæ est matrix seminis humani, ut tale sperma in ea putrescat, & ex eo homo, perfectior natura, nascatur. Semen pomi est nucleus. Eius matrix est ipsum pomum, eo saltem fine, ut in eo semen perficiatur, non ut in arborem excrescat: Matrix vero nuclei, in qua per putrefactionem in arborem perfici debet, est terra, cui inseritur.

## IV.

*Matrix non congelationi, sed resolutioni seminis ulteriorem perfectionem intendenti destinata in rebus vegetabilibus, & mineralibus est externum aliquod elementum; ut in animalibus viviparis uterus fœminæ.*

Sic tritici matrix terra est: Hominis vero uterus mulieris.

II. REGENERATIO est vel naturalis vel artificialis.

III. Naturalis est, quæ sola natura instituitur.

Sic semina, quæ matura de sua planta defiliunt, & in terram incidunt, in sui multiplicationem renascuntur.

IV. Artificialis regeneratio est, quæ artificio per naturam absoluitur.

Dico per naturam: quia sine natura, naturalique semine per solam artem aliquid in regenerationem disponere stultum est. Semen ut naturale requiritur; ita etiam hic requiritur naturalis matrix cum semine suam habens affinitatem & cognationem,

V. Hæc



*V. Hacque est vel vulgaris, vel philosophica.*

*VI. Vulgaris est, qua semen in matrice artificio vulgari excultra in multitudinem renascitur,*

Agricola agrum stercoreat, arat, occat & alia via præparat, ut semen iniectum regeneretur in multitudinem.

*VII. PHILOSOPHICA regeneratio est, qua semen sophorum à philosophis in propria matrice in sumam medicinam digeritur.*

Effectus huius est vniuersalis medicina, quam lapidem philosophorum appellant.

## CANONES.

### I.

*Semen Sophorum esto vniuersale.*

Propter applicationem ad tria entium sublu-  
narium genera, nimirum ad vegetabile, mine-  
rale & animale genus: id enim, quod ex semi-  
ne nostro conficitur non solum metallicis cor-  
poribus, sed etiam vegetabilibus & animali-  
bus suam confert vtilitatem & perfectionem.  
Errant ergo longe, qui in illo vniuersalem quæ-  
runt medicinam, quod minerali regno circum-  
scribitur.

### II.

*Semen sophicum est Herimaphroditicum.*

Id est: Ex virili & feminea natura simul constat.  
Vtraque illa natura sophis dicitur Sol & Luna.  
Quia ex horum congressu semen nostrum pro-  
gnatum est.

### III. Se-



## III.

*Semen mysterii philosophici omnia, quibus indiget, in se continet. Arnold.*

Ac proinde seipsum perficit in suo naturali, & proprio vase.

## IV.

*Vi regenerationis philosophica semen nostrum in præstantiorem, eminentiorem, & perfectiorem permutatur substantiam.*

Medicina nostra comparatur Christo Domino nostro, qui quamvis Deus, tamen ita se exinanivit, ut homo factus omnis generis passiones, & tandem mortem subierit, atque post ex eo exanitionis statu in statum gloriæ exaltatus fuerit. Simili modo nostræ medicinæ semen cælitus nobis communicatum primum in abiectam terram conuertitur, & abiectis vestibibus induitur. Verum post terra ipsa in vitam resoluitur, & perspicuitate crystallina condecoratur, omnique deformitate deposita, in nobilissimam & purissimam abit medicinam.

## V.

*Regeneratio philosophica fit hoc modo.*

*Nullo extraneo addito, semen nostrum pro-  
pira & agnata aqua nutritur frequenter, usque  
dum medicina prodierit præstantissima in colore  
ignis rubicundissimi. Summa patientia hic opus  
est, quia summa tarditas.*

DOCTRINÆ DE REGENERATIONE

FINIS.

*Vni Deo Laus & Gloria in æternum. Amen.*

PHI.



PHILOSOPHIÆ  
HERMETICÆ

*Tractatus septimus, qui est*  
DE RENOVATIONE.

*Autore*

HENRICO NOLLIO.

P R Æ F A T I O.

**C***Um impossibile sit, beneuole Lector,  
vel experientissimo medico speciem o-  
mnis morbi cognoscere, teste Paracelso in  
secreto magico, operæ precium facturus  
est medicus; qui in renouationis doctri-  
nam omni studio incumbit: Hæc enim  
docet fundamentum, quo citra specialem  
morbi cognitionem morbos quoslibet so-  
lius balsami corroboratione extirpare va-  
leamus. Ab uno ut omnia sunt: ita in  
uno omnia conseruantur. Id vero quod  
conseruat à morbo similiter liberat, mor-  
bi enim extirpatione necessario comitatur  
conseruatio. Si itaq; balsamus ex interno  
prin-*



principio hominē conseruat, idē balsamus  
ex eodē principio hominē morbis eximet.  
Quod si balsamus prestare non posset, v-  
tiq; facultate conseruandi destitueretur.  
Quod dici non potest. Balsamus est cu-  
iusque rei intima natura, quæ, vt Foxius  
Galenista lib. 2. instit. medicarum sect. 5.  
c. 2. ait, dum nos recte moderatur, & in-  
tegre valet, quicquid vitiosum est, aut  
redundat, id omne è corpore excludit. Hoc  
ergo, vt Galenista me quoque intelligant,  
hoc in libello docebo, nempe, quæ ratione  
natura, dum integre non valeat, nec recte  
nos moderatur, eo reduci possit, vt integre  
valeat, ac proinde id, quod vitiosum &  
superfluum est, è nobis extrudat. Sine na-  
tura nihil attentandum hoc in negotio esse  
moneo, & Hermetica curæ certitudinem  
vinco contra omnes obtrectatores & sciē-  
tiæ Hermetica contemptores. Fundamen-  
ta nostra qui ex amussi intelligit, ei via  
ad veram & solidam medicinam pate-  
facta est.

Ade-



*A definitione Renovationis exordiamur.*

*I. Renovatio est balsami per balsamum consimilem confortatio, qua impuritates separantur, & inuentus reducitur.*

## CANONES.

## I.

*In hoc rerum statu extra corpoream naturam balsamus confortans non habetur, sed ubique aliquid de natura corporis sibi immixtum habet.*

Balsamus enim sine corpore subsistere nequit. Hoc vero notare est, quod balsamus, quando impuritatibus obruitur, & corporis crassitie eius actiones impediuntur, impuritatibus nudari, corpusque in tantum subtiliari debeat, ut in naturam confortandam agere possit. Sic è cibo, quem assumimus, Archæus noster balsamum elicit sibi consimilem, separatis & eiectis fecibus per appropriata emunctoria. Philosophi crassitiem separando subtiliant metalla, ut ex iis spiritus balsamicales proliciant, nobisque deinde in usum nostrum propinent.

## II.

*Quo è puriori & perfectiori corpore confortans balsamus desumitur, eo efficacius & perfectius impuritates separat.*

Vnumquodque enim agit secundum naturam suam. Vnde non mirum est, quod lapis philosophorum perfectissime & efficacissime morbos ex corpore pellat, cum ex perfectissimis huius mundi corporibus, scilicet ex Sole & Luna, producat.

## III.



## III.

*Balsamus confortans quo simplicior est, eo constantius & vniuersalius operatur.*

Operationes enim rei naturam & essentiam sequuntur. Balsamus vero dicitur simplex, qui ex vna natura fluit. Qui ex diuersis naturis ad corroborationem balsami alterius hauritur, simplici balsamo longe debilius est: Quo enim quid unitati vicinius, eo constantius, perfectius & vniuersalius operatur. Simplex simpliciter, vel Scaligero teste Ex. 140. verum, vnum est, quod est tibi ipsi & principium & finis. Alia quo sunt ei propiora, illius etiam capiunt maiorem perfectionem. Sic angeli nobis sunt longe potentiores, cum ex multis elementis non sint conflati, simplicitateque Dei sint propiores. Deus quia summe vnus est, summe potens est. Quod probe obseruandum contra eos, qui variis eduliis, varioque potus genere delectantur. Vitam longius producerent, si vnus generis cibo & potui assueficerent.

## IV.

*Vi balsamus balsamum corroboret, corpus, cuius balsamus confortandus est, actu calidum esse oportet.*

Balsamus enim confortans cum sit ignis, & naturæ nitrosulphureæ sulphur actuale requirit, quo accendatur. Non aliter ac nitrum, quod quando operari & mirandos effectus in ei aculandis glandibus edere debet, à sulphure & igni prius accendatur necesse est. Nobis exemplo esse potest metallorum transmutatio, quæ fieri nequit, nisi metalla



## DE RENOVATIONE.

113

alla imperfecta igniantur, liquefiant & fluant, vt hac via pori, quos lapis philosophorum permeet, aperiantur. Laxatiuum in homine mortuo non operatur, sed in viuo, calorisque actum habente.

### V.

*Iuuentus reducitur, quando vires pristinae restituntur, pelles antiquae exuuntur, nouae induuntur, & nouorum astrorum summe conuenientium regimen introducitur.*

Sic auri iuuentus reducitur, quando aurum per Mercurium & ignem in liquorem redit. Serpens renouatur, quando pellem deponit, & nouam reassumit. Homo senex renouatur, quando canos capillos amittit, nigrisq; vel alterius iuuenilis coloribus exornatur, ungues decidunt, noui, repullulāt, integraque cutis rugosa in teneram, floridam & mollem conuertitur. Cancri, qui crustas abiiciunt, tenero & molli tegumento iterum vestiuntur. Mulier octogenaria quando philosophice renouatur, ad conceptionem habilis reddi potest: siquidem in eiusmodi renouatione balsamus eius ita corroboratur, vt menstrui fluor redeat, semenque in ipsarum genitalibus generetur & augetur.

### VI.

*In iuuentutis reductione prolongatio vitae fundatur, praecipue vbi similimo balsamo perfectissima natura impragnato confortatio balsami instituitur.*

Si vis, vt arcus telum longiori tractu propellat, chalybs chalybi per fabrum adiungendus, & ar-

H

cus



cus fortior reddendus est. Intellige quę dixi. & eris mihi philosophus.

*II. Renouatio est vel vniuersalis, vel particularis.*

*III. Renouatio vniuersalis est, quę vniuersali balsamo naturam alicuius rei ita reficit, ut per omnes partes vigor eius iustaretur, & impuritates cum radice extirpentur.*

Balsamus vniuersalis est, quo non solum mineralium, sed etiam vegetabilium & animalium naturę corroborantur, eorum impuritates & imperfectiones tolluntur, atque radix ipsius mali simul extirpatur. Vnde vniuersalis renouatio recte dicitur ablatio radicum seu impuritatum morbidarum, vel abortu hæreditarioue parentum semine, vel postea alimentorum usu & culpa, siue externarum impressionum iniuria in humanam anatomiam insitarum.

## CANONES.

### I.

*Id quod omnibus vegetabilibus virorem inducit, & reducit, mineralibus vigorem dispensat, animalibusque vitam & nutrimentum communicat, illud est vniuersalis balsami vera materia, atque Hermetica medicina realis origo.*

Vniuersalis enim medicina ex vniuersali subiecto eruenda est.

### II.

*Balsamus vniuersalis, qui est verus Hermetis*



*metis lapis, sub minima dosi in generoso vino  
patienti propinatur, & cito, tuto, incundeque  
conualescit ager.*

Dosin vnius grani philosophi in administratione  
balsami nostri requirunt.

## III.

*Citra specialem morbi cognitionem balsamus  
vniuersalis administratur.*

Hic canon omnes medicinæ studiosos ad diligētem balsami vniuersalis, quem lapidem sophorum appellant, instigato, cum eo habito, studium medicinæ reddatur adeo facile, vt librorum variorum multiplex lectio merito habeatur superuacanea, atq; indicationum perplexæ particularitates, contrarietates vel ordines nullam sedem inueniant. Galenistæ huiusmodi medicinam dari negant Sed tamē verorum philosophorum assertiones vnanimes velle falsi & mendacii arguere, certissimum mihi indicium est stolidæ & sophisticæ mentis.

*IV. Renouatio particularis est, quæ balsamo  
particulari absoluitur.*

Balsamus particularis est, qui ad certum genus defectuum tollendum adhibetur: ac proinde ex renouatione tali non est omnium morborum, sed quorundam cura. Consule dogmaticos, & huiusmodi balsamorum ingentem copiam videbis. Omnia etiam chymica remedia præter philosophorum lapidem balsamo particulari participant, ac proinde definite morbi generi tollendo destinata sunt.



TRACTATUS VII.  
CANONES HIC  
OBSERVANDI.

## I.

*Quicquid in macrocosmo renouatur, illud  
ad microcosmi renouationem facit.*

Sic cum aurum renouatione in primam materiam reducitur, aurum philosophice elaboratum microcosmum renouabit. Galenus, ut ipse lib. simp. ii. & lib. de antidotis refert, opera viperarum vino impositarum pristinae valetudini duos leprosos restitutos fuisse testis vidit oculus: cum enim dictis leprosis vitam miseram & ærumnosam diu agentibus ex commiseratione ad mortem ipsis accelerandam vinum, in quo vipera casu immersa & mortua fuerat, bibendum offerretur, non tantum cutem ulcerosam, squamosam & fætidam cum sana & florida permutarunt, sed integram insuper, perfectamque inde sanitatem recuperarunt. Iam vero vel vulgo notum est, quod viperæ quotannis bis renouentur, & exuias abiciant. Vnde philosophiæ veræ filii ex viperis naturam balsamicam eruere sciunt ad renouandam & purgandam hominis essentiam ab omni impuritate.

## II.

*Si vis balsamo conuenienti hominem renouare, discito perfecta metalla in primam reducere materiam & imperfecta coessentiali balsamo perficere.*

Qui



DE RENOVATIONE: 117

Qui microcosmi defectibus ex fundamento mederi desiderat, ille in rebus macrocosmicis prius faciat periculum, ut has ab imperfectionibus suis liberet. Quicumque corpora macrocosmica purgare, & debitis medicinis perficere nescit, non dignus est, qui medicamenta in salutem hominis doceat. Cum vero sine Alchymia nemo imperfecta corpora depurare, perficere queat, Alchymiam necessariam esse ad medicinam quis non intelligit?

DOCTRINÆ DE RENOVATIONE.  
FINIS.

*Vni Deo sit sempiterna gloria.*  
*AMEN.*

H 3

CON:



## CONCLUSIO TOTIVS

OPERIS AD LE-

ctorem.

**H**Abes ita, Beneuole lector, tractatus  
 septem meæ Hermeticæ Philosophiæ.  
 Quos si legeris, & multoties relegeris, te  
 in philosophia vera multum profecisse  
 ipse fateberis. Vide tamen vt id, quod le-  
 gis profunde mediteris: sine meditatione  
 enim assidua nihil intelliges. Medici-  
 nam vniuersalem multi negant; Sed ple-  
 runque in id faciunt, qui eam assequi non  
 valent. Credimus esse: Quia ante nos  
 philosophi nobilem nam medicinam posse-  
 derunt; & dubio procul hoc tempore sunt  
 multi bonæ conscientie & voluntatis ho-  
 mines, qui donum illud Dei clanculum  
 habeant. De quibus si ego & tu mereri  
 possemus, vt ipsorum beneficentia tan-  
 tam medicinam & videre, & in nostram  
 salutem nobis applicare liceret, quid no-  
 bis, quæso, præstantius obtingere posset:  
 Non



Non cuius homini contingit adire Co-  
 rinthum: Inconstantia & negligentia in  
 operando non raro etiam eum, qui rectam  
 incedit viam, interturbant. Constanti  
 labore qui occultum fecerint manifestum,  
 ex meo iudicio habebunt illud, quo vix  
 post verbum Dei datur homini  
 aliquid maius. Vale lector,  
 & ama.

Δόξα τῷ Θεῷ.





¶ univ  
Ci git le fils Ci git la mere  
Ci git la soeur <sup>¶ vulg</sup> ci git le frere  
Ci git la fille avec le pere  
Ci git la femme & le mari  
Et n'y a que trois corps ici,  
namely O ¶ a. ¶ univ. —



J. Glicoupt nasa bij paris  
 .. findet man ein qual  
 .. dorum .. mit soln  
 und dazier leigt. Epitaphium  
 ci git ~~le~~ le sus ci git la mere  
 ci git la fille ci git le pere  
 ci git la femme et le mari  
 et n'a que trois cors iij  
 in lubeck in ruten  
 pradiyord fants

Windet ißro lund  
 frot lügen daz dorum  
 mader soln ind de mader  
 fust dazt ein de broder  
 man in lüß dree frot  
 ein en list:

D Enigma Gallo nente M  
 Alia. Telia crispis  
 nec vir nec mulier nec androgyna  
 nec puella nec juvenis nec anus  
 nec sarta nec meretrix nec pudica  
 Sed omnia  
 Sublata  
 neque fame neque ferro neque venis  
 nec coelis nec aquis nec ferris Sed  
 ubique.



Jucius agatho priscus  
nec maritus nec amator  
nec necessarius  
neque moriens neque gaudens  
neque fletus hanc  
nec molem nec pyramidem  
nec sepulchrum sed omnia  
scit et nescit cui posuerit  
in viae huius Braxen  
in viae huius huius  
gammelte eubri  
ut gaudenda huius  
est

Dum fluit e christi benedicto vulnere san-  
cti dum virginium lac pia virgo promittit  
lac fluit et sanguis, sanguis coniungitur  
ut sit fons vitae fons et origo boni lac  
sit fons ex cuius virtutibus atque valore  
nobis opanti tollitur ira dei  
sit fons quem cernit caelestis spiritus inde  
exultans animo gaudia mille trahit  
sit fons qui totum a peccato abluat  
orbem  
A quo mandatur somna culatus homo  
sit fons qui multum peccatos retri-  
gat illos  
quos ori purgans flamma sitire  
facit



Leisen laub in Wasser  
geloset und darin Fuß  
sindes oder stark abge-  
lößet soll die Längst Zeit von  
Armen und einer Armen  
man man darin Fuß badet  
und soll zu dinst



Pro memoria Hamburg 22<sup>te</sup> 7<sup>bris</sup>

Das Haupt der ersten Sublimation  
Liebt Sein  
in  $\Delta$  so Geist aufgelöst wolt  
gimmis  $\Delta$ .

Das Haupt der letzten Sublimation  
ist allein in Geist  $\Delta$   
auflöst sich Geist gimmi  
 $\Delta$ .

Ein Teil der ersten gelüßt  
 $\Delta$  ein ständiges, Geist  
oder lebendige  $\Delta$ .

Der erste süßere süßiger  $\Delta$   
Der andere der geflügelt Geist  
O ein ständiges sein  
O ein in ständiges sein



¶ Hic dicitur in extra choris  
Latinum proprietas sunt: in sol  
vultus in terra frigida et in ea  
substantia: et ut salum saporem  
et albedinem in igne retinent  
3 non ardent neque oleum  
aut pinguedinem in se habent  
unde patet neque terram neque  
Aerum esse salum



*[Faint, illegible handwritten text in a historical script, likely Latin or Greek, visible at the top of the page.]*



copy

0. -